



05504

天愚先生詩鈔卷四

五言律

洛陽橋夜宿 二首

丁溪一字畫泉水萬安名天造中流險橋迤千里橫  
 洛邑似木石蔡公營瞑坐雲烟合逾聞津鼓清  
 湖遙彭嶼澗江望洛陽清地帶跨鯨背天紳鎖鳳城赤蛻  
 兩岸下紅樹隔江明波底魚龍戲譙樓雜鼓聲

遊清源洞

獨向清源往羣峰秀色來雲根移岫出石罅溜泉開簿領  
 看山淡琴心借薜裁誰人同此意野鶴共徘徊

楓亭食荔枝

最勝楓亭果兼全色味香紫縮膜護潔紅繒殼流漿南海

天愚詩鈔卷四

五言律

炎荒惡西川道路長明知知此味更使馬蹄忙

雲崧山房

安期仙跡遍冲舉此名攀石觸龍津合烟霏鳳渚還猿啼  
 三峽淡月過萬重山東海桃花墨斐然文共班

龔和梅明府湖上分韻 二首

秋色渾如許湖光澹蕩新柳花重放白水影倒擣人雁落  
 平沙遠花明桂嶺春從教醉醕酌莫使酒催頻

主狎賓多趣笙歌酒色新周旋皆吾黨擬托為深人花解  
 樽前語鶯啼未了春舉杯寬世界重會不辭頻

卽事 三首

身隱言何用寤將書遣愁謝詩吟玉樹陶菊賽金甌屋矮  
 人堪老霜欺髮欲秋誰將心上事盡付與東流

險豈未嘗經心安門自高索居荆棘裏抱影薜蘿汀水泛  
溪雲白山標嵐雨青心期終物外不樂醉時醒  
一徑盈萬宅百年未老人妝成面目假忽地嘯歌真樹逐  
風花隋門清車馬塵歲寒不必問何日是新春

來誰園憶李于鴻侍御

二首

灑脫萬花翁來誰二義空庭虛殘夜月花落舊春風魚鳥  
皆山主烟霞幻故宮百年遊覽地一語意咸通  
憶人還自憶未往已愁來不戀虛舟穩寧須傳舍哀陌塵  
隨足減宮樹倚雲栽惟有南山色青青老酒盃

賓日齋

二首

暘谷暖生輝蒼涼入翠微輪紅驚出浴月白自穿闌几淨  
烏髯滑池清綠水肥吾廬同所愛丘壑竟忘歸

天恩詩鈔卷四

二

高閣載初陽岫夷拂曉桑牙籤塵積軸珠柱幌生光鳥亂  
金烏影雲飛翠玳梁白駒看易過惜取寸陰量

寄姜西銘

仲蔚蒿盈徑長卿渴未歸枕欹寒夜月雪灑荻蘆衣馬首  
瞻雲近嚶鳴見面希江湖恣客傲寧戀故山薇

芭蕉和友人韻

雪裏幽魂寫空堦夜雨聲愁看孤影弔喜入萬花清灑筆  
龍蛇走搏風雲霧輕不堪搖落後坐對月三更

食橘

釀就洞庭香吳姬壓客嘗不知千日醉猶帶九秋霜藕井  
仙何在屈原贊未良自憐江北枳終日想維揚

藤蘿

二首

滋蔓不須嗟生來到處遮霜披猶帶葉春到亦開花不信  
高千尺猶堪過別家上林多少樹纏繞一時賒  
風吹飄翠帶月色動幽魂情綰同心結根綿連理昆龍蛇  
盤曲窟風雨任寒溫恰慰幽人意雲深薜草邨

蓼花 三首

黃花誰作伴紅蓼喜成儔秋氣憐晴浦漁燈照晚舟霞披  
沙過雁霜冷水藏鷗何處王孫草濃妝醉倚樓  
辛苦此中味蕭條物外情江天看日暮鷗鷺慶心盟愁入  
秋容澹光分錦水清妝臺空對艷搖落有餘英  
何處問根苗汀蒲一水遙低頭思故苑漫舞學宮腰垂穗  
珠盈把沾泥翠更饒蒹葭增所憶明月共良宵

林天樞隱于卜復隱于酒卽席戲贈 二首

天愚詩鈔卷四

三

十世誰能問浮生一醉過簾因閉肆下酒爲合歡多物理  
推移定居諸笑傲磨安能勞形役顛坐撼風波  
周易覩先憂輸錢掛杖頭心清堪自問醪濁共誰浮名起  
長安署香從若下流劉伶兼季主贏得一身優

弔陳卧子門友 二首

正氣還天地風塵此道難無君靈白日有我傲黃冠宿草  
秋風淺長松落照寒網常千古事畱取寸心安  
豈謂山林久甘羣木石遊死還今日事銷得百年愁止水  
清同潔崖山高並畱未亡終寂寞羞不到荒丘

懷南海陳順吾大行 三首

樂事東臯勝懷人南海多風期通寤寐荆棘阻山河雲暗  
蛟川月塵迷後洞莎當年握手地此日盡兵戈

形影悲三隱心期共一天冠黃衣不染頭白鏡相憐露冷  
蒹葭句人懷楊柳篇嶺頭看新月一望碧嵐烟  
風搖寒翠影誰道故人來離合看衣袂山林問酒杯羊從  
仙迹化虎自海門回但得東臯在無須怨落梅

觀王慶甫時逢弟手譚

致擅山林勝心猶殿上爭虛孤還玉帳借一戰金城虎叟  
雄堪賈漁人眼更清莫言河洛數天下未銷兵

辭張督部薦剡

公名存仁  
二首

短髮羞明鏡陳人辱大童羊惟餘質在虎亦嘆皮亡膏沐  
誰為的鬣鬣意未荒宥同供奉賤拜舞在昭陽  
諸葛生雷漢夸齊死喪周名非一旦立人抱百年愁斷尾  
雞何喜披文牛自憂予非枋得裔君豈魏公儔

天恩許鈔卷四

四

聞陳坤菴尚滯郡城

歸軫期何在虛看梁屋蟾鏡容隨日減裝索幾時添鶴想  
揚州去人猶赤水淹野情風月廣不復問窮閭

和姚益城閒居雜詠二首

莫謂山居寂幽人矢寤歌德機門自杜養氣語無多竹徑  
松風掃濠梁魚藻和白雲看不厭疎影掛藤蘿  
不競隨流水移情調素琴機忘鎔物我神定益光陰緣假  
浮生夢寐言邁軸深遙知踪不遠只在碧山岑

南樓坐雨

此日南樓興悠然付逝波屯烟擾風穴苦霧宿星河經眼  
花先老啼春鳥歇歌客情無賴甚愁並雨聲多

病酒

強自整衣冠心疑酒友看  
食前無適味面對少餘歡  
喜飲非關渴披襟先避寒  
夜來殊不惡今苦告人難

冬日偕史廷韓天懷天申弟登候濤山 二首

遠客愛登臨熏籠奏好音  
磴迴天際鳥風鼓樹梢琴  
曲徑禪房靜藤蘿古寺深  
聲傳空谷至俱是海天吟  
日落暮山紫煙沉曉霧青  
樓臺迷蜃市歌棹寂漁汀  
氣勁水凝酒潮回日射星  
騷人空有恨把酒問滄溟

賦得淵明好野飲 四首

木訥二三賢猶如吾自旋  
典衣羞善價種秫問長年  
大小山皆侶陰晴日一天  
相期共丘壑寧戀酒家眠  
野性最難馴何妨酒漉巾  
禮雖我輩設杯到肯嫌貧  
魚鳥畱人處風光分外新  
黃封非不貴綠草更生春

天恩詩鈔卷四

五

一自抽簪後漂零濁酒盃  
浮雲榮業過明月故人來  
債逐尋常負歡從春社迴  
每思拘束苦懷抱樂天開  
種秫誰分苦耰鋤盡酒徒  
青山詩句好黃鳥席邊呼  
澹泊交情見衣冠世態無  
觥籌銷積訟隨意夕陽徂

寄唐豫公年友 二首

吳山重握手越水望天涯  
雁自雲中落人看天半霞  
寄珠明月盡贈劍夕陽斜  
何日登招寶桃開醉墨花  
寒歲問遺民山深思遠人  
花開添雪傲柳寄折梅春  
月扇疑新影歌梁自落塵  
知君吳市隱先有德爲鄰

喜鄭勝持老而鼓飲 二首

伏櫪壯心盟渴懷消露莖  
餅傾沈綠蟻川至飲長鯨  
方外畱司馬厨中得老兵  
二參何足限五斗自銷醒

萬事杯無過三春花欲愁蘭薰凝凍醴雪白和歌喉冠蓋  
西園夜澗淮東海流劉伶鬢髮老何似少年秋

答鄭來宜自蕭山見寄二首

亭館蕭然放閒情付薜蘿棹迴剡上雪雲贈戢山阿放鶴  
人何處修鱗字未磨河陽一為別明月屋梁多

歸期曾有約懷抱向人親越鳥南枝近游魚東海濱客看  
秦望月梅放鄞城春飄寄從雲外緘題金玉新

暮秋答靈峰杜上人

方外知音少詩筒宗社多砧聲遲去雁月色長新蘿思發  
花先到松鳴風乍過慚余憂用老無鬢可看皤

彭澤懷古

急雨過前灘懷人意未刊粟雖周室賚臘記漢官餐紅友

天恩詩鈔卷四

六

情堪借黃花興覺歡山川憐苦節天地一為寬

和何芝涵大行

雲外鱗鴻信山中麋鹿情故人千里月新締百年盟朝隱  
金閨彥蓬棲木石生相逢不易地各自取成名

王氏園亭

風流江左裔天造海東亭鏡影菱花白嵐峰瀑布青鳥知  
避客至雲幻醉人醒會看松風起玄禽罷舞聽

送邵履仲北上春官

落日流黃筭征鴻散彩珂晴雲馬首薄凍雪薊門多鵬起  
天垂翻龍蒸雷澤梭上林風色好星駕接銀河

弔侯城里方正學先生祠

駭聞此一事隔世重傷神九廟靈堪借孤兒事果真麻衣

見天子擲筆奮孤臣士氣興朝盡將何貽後人

追憶童時隨先觀察比部署中晚食齏粥與章羽侯  
共之今津津有味也

淡泊憶先公俸餘惟晚菘蔬清元氏菜粥美范家風諸子  
飴甘食同堂樂在中至今忘肉味豈謂固貧窮

答陳美公見寄

二首

所期良不負上國足知音因子青雲器成予白璧心燭燒  
蓮寶炬錦賜蜀機緝不厭承明意多君越客吟  
醉眼慚玄賞迷雲撥霧天十年磨寶劍萬選中青錢鼓靜  
絲綸閣階閒視草磚直廬深禁裏知汝未安眠

匡山大忠祠

二首

天運分今古人間見陸沉三仁同日盡一德葬波心精衛

天恩詩鈔卷四

七

哀難訴女媧補至今平章山下雨夜夜吼龍吟

南來天旣盡東去海偏愁鵠立渾無地龍宮別有秋孔明  
生事漢孤竹死存周豈曰忠何補匡山萬古流

宿淨居寺

雲深知寺古僧老得山親鐘磬冥鴻外夢魂飛蝶春忘機  
塵路遠入定道心純去住今何所西山月未淪

懷柯仲倩年友

二首

懷人劉阮近避地憶天台鶴控西樵隱鯨騎東海迴小山  
留叢桂郢雪詠寒梅無限幽棲意千峰逋客來  
弄雲隨手白染翰得山青郊犢榮知愧塗龜逸自醒野情  
風月廣窟志雁鴻冥瀨下東流水無心滙遠汀

王柱石以菊譜見示



指點籬前意花師費折衷天閒塵外客草性與人同楮燦  
黃金色詞高白雪工欲傳微妙意還在不言中

除夕

何事良宵闌椒盤解頌花旣除留不得云守意何嗟數往  
言難盡知來事尚賒徒勞陳酒脯安得號詩家

懷黎博菴夫子二首

風受西河易重占南海風斗牛迴劍氣天馬騁飛虹道路  
紅塵暗文章白眼窮滕王江渚月偏照海寅東  
桃李聞春菲偏堪風雨違江寒西塞月粟斷北山薇雪立  
程門遠花看陶徑肥回思臯比地應念狷狂希

答倪伯屏年友

餘生留溝壑帶髮亦頭陀奄息三生志高樓五柳阿雁來

天恩許鈔卷四

雲早白雪和鬢同皤零落烟霞譜邯鄲夢裏過

梓山閣集奠起臣姪碑影

白雪今誰調芳名憶早知十年磨就劍萬里縮前期入夢  
西堂影流風古峴碑牛山增涕淚秋草正披時

寄李二何太史并公卽孝廉榷二首

閩越隔風塵蕭條兩地身冠彈鷓序客縞贈鹿門人泉石  
矜同調弓裘美席珍何言井不食把釣練江濱  
視草夔龍侶甘遊麋鹿叢鳳棲竹自食鱸徙水無風竒樹  
中庭秀瓊花上苑通玉堂堪步武一試予言公

簡梁生佑達孝廉四首

稱臣曰草莽致主阻雲雷周粟原無諱商頑徒自裁書升  
賢入穀羅網費人猜鳴雁終何意莊生才不才

暗裏曾摸索分明照乘珍夜光多按劍寶月久蒙塵惜羽  
鷄羣鶴披簪鮒涸鱗北門堪養晦何以慰親貧  
廿載息寒溫青天雁斷痕月沉象浦影水冷蜃宮魂荆棘  
心中事棲遲柳下門登高盼五嶺諸子幾能存  
四面雲垂網胡為士不前花明燕市月珠暗浦江船不謂  
金鑿謁虛將鐵硯穿廉隅何所砥祇重故人憐

題揚州胡明仲絳巖居

二首

觀裏瓊花杏山居玄草亭朱霞橫半壁曙斗掛疎櫺月過  
雲流白虹收天更青梅花香絳帳獨自把門扃  
寶婺一星臨林霏物外尋綠楊雲裏樹黃鳥酒中音四壁  
圖書府三秋杞菊心千峰迴夕照併入絳霞吟

贈揚山人

天恩詩鈔卷四

九

傳食侯鯖美行車盡樂窩蠅頭青貫少馬首白雲多酒罄  
雙瓶玉筇扶五岳過青山殊可悅春水綠浮波

呂亦飛楊君調小集夜午鄭勝持忽至

厭厭慵問夜湛露滿金莖荷鍾欣同調當歌誰主盟羣雄  
堪指屈飛將已戈橫不盡登壇興餘酣戰老兵

雁字詩

三十首

陽鳥隨鳥足秋風起海門一行人共讀比翼勢堪論畫日  
巫山近濡毫湘水溫白虹能貫珥掃筆已思吞

隨陽

積素光浮白玄雲落影寒仙人披鶴氅花雨散毫端筆舞  
千峰轉波回萬疊瀾玉山積雪案不住舉頭看

冒雪

不謂稻肥田金颺厲翮偏問奇先得字蘸水欲連天背負  
青知重毛濡白共鮮歸途如有贈筆意故增妍

凌雲

縱嶺閒秋月霜毛影並標歌寒金殿兔聲徹玉樓簫染翰  
雲飛白書空山欲搖臨池仙子好故把羽衣招

穿月

繒織小兒曹冥冥望落毛雲迷道渚影霧暗避霜袍墨氣  
酣秋興池光漲晚濤書成鬼夜哭風雨一齊號

雨中

水色慘鵝鵝浮空一抹過五雲星未隱八體水生波筆底  
青山少眉間綠黛多欲知古籀意微月掛蒼蘿

烟際

鳥篆連雲起蒹葭一望遮筆精藏狡兔墨妙縮秋蛇漁火  
愁偏近蟾光影漸奢細書難遠望明月滿蘆花

蘆邊

自愛啣蘆力輕颺耐遠翔鄉書頻字寄客路與何常橘柚  
人家近烟蘿雲嶠長杳然迷出處林鳥自投筮

林外

突起知何意翻飛偷得生蛇因驚人草鴻愛冥收聲公子  
連鑣俟王孫乘矢橫何心分篆隸惟荷羽毛輕

鷺彈

天恩詩鈔卷四

十

欲趁遠帆風澄江碧練空危檣紅日近快櫓白波中掠水

看三過思家笑轉蓬自然成曲折不苦運毫竅

掠帆

已過公超市來遊張楷庭念羣勤接武顧影喜沉冥腰帶  
山橫白巾嵐天並青尖頭奴正利一舉掃雲駢

破霧

何限高鷲興凌雲最上層奮飛千里志愛力八風升薤倒  
參差出針何長短憑不因九萬借安得錦雲崩

乘風

冠日高丹綺俱飛樂遠遊漏痕紅日照釵脚翠峰收五色  
時隨換八行意任流赤城浮海曙天漢落銀鈎

霞遊

高旭散愁霖衡陽振遠吟蘭蠶抽字畫蜩蚪試書淫酒動  
秋風興言歸曉月岑池光方激灑不惜羽毛沉

晴弄

秋砧催落照旅雁過寒潭帶得龍城信無人鳥篆諳文理  
蘓氏錦帛啟漢皇函脉脉幽閨數秋期已過三

閨情

寒羽流霜白孤燈守夜紅獨憐長信月虛度海門風影落  
愁城裏聲多殘夢中上林空有賦無路到深宮

宮怨

碧天痕一破四海浪無塵雖渙文章苑瀟湘梁稻春誰知  
雲外影即是鏡中人滿腹鍾王意分明寫照真

渡水

雲雨暗巫陽驚看道路長嶽遊恣大塊都過總天章龜枕  
堪同夢鴻書共匣藏山靈空有妬鳥跡古神蒼

越山

久客故鄉思春回集雁池情追梁稻好心切水泉宜溽暑  
江南早涼颼漠北遲奇亭休問字竊恐世人知

春北

愁聽寒砧度驚看陽鳥居聲哀出塞月字寫上林書羽剪  
金商勁翎先玉露歛江南何處煖爲羨水多魚

秋南

意南原是北决起定誰先六息風雲厚三秋月露妍毫端  
飽欲舞腕下轉如綿一舉騰千里長歌大漢篇

初起

天恩詩鈔卷四

十一

四海堪橫絕一枝穩借難書空隨韻寫影落半天寒人畏  
多情險鳥懷知止安翺翔休得意落筆幾回看

將落

白草棲偏穩黃花成伴遊長歌出塞曲短笛入羗愁勢集  
崩雲墜吟哀垂露流金城壯千里爲有六書畱

塞上

霜氣入杯清霞天鳥語明不才因嬾學問字到書城句寫  
題先意聲和醉裏情豪攄傾北斗潑墨勢縱橫

尊前

結陣共隨陽排空度女牆浮家騰六翮煖覲三光日送  
江城暮風多海國揚鵝溪雖一幅落處盡家鄉

城南

屋角蟾留影樓頭雁遠聞元龍眠未穩庾信悵離羣客緒  
愁中過鄉思夜正紛家鷄與野鶩怪爾冥穿雲

樓頭

不似人無信瓜期來往愆征衣遠欲寄盟誓已先傳故苑  
多霜雪他鄉記歲年閨中無限意說透紫霞箋

從征

津梁不可問萬緒一時消為厭風塵苦思從海若招乘桴  
衰鳳德鞭石駕翬橋好借稽天浸濡毫洒沃焦

入海

殊恨奴更誤倉皇帶露征西山初氣爽東海未雲迎四顧

風烟靖千童圖緯明乘時須努力染翰一風輕

曉行

已愧幾知早宵嫌投宿遲風搏高柳翻沙煖倦飛時玄渚  
春糧遠清泉消渴宜杜機息勞影閣筆費沉思

夜宿

### 為天童弟小傳

享祀借芬芳人隨筆墨香白楊愁暮月青簡映秋霜樹美  
三珠燦芝新五色長風流如可掬不復歎琴亡

### 擬為烏劍華歸葬祖塋

墓門雖有棘落日白楊哀魂鬼棲無定人琴疑未灰雲依  
故壟樹月冷路旁苔丘首何時正故人恰欲來

天恩評鈔卷四

十一

### 虎丘八詠

#### 試劍石

三劍逞雄謀湛虛去水流礪新餘霸氣目抉看吳鉤霜冷  
蘓臺月風生越國秋魚腸光不夜頑石自空愁

#### 生公講堂

雲樹一登臨潮聲動梵音倦遊思靜住圓對入香心問字  
禪逃障息言迷愈深廣長空有舌終是六朝吟

#### 劍池

八解連漪洳橫磨一片霜若耶溪未合香水潔同光月浸  
芙蓉冷波浮牛斗銚闔廬自無道千古恨魚腸

#### 多寶塔

歷歷斗星橫龍蛇窟裏行鐸聞千里震燈影半天明不定

金鋪碧浮來石有聲何常藏舍利遊屐結高盟

真娘墓

啼痕芳草赤環珮夕陽斜青鏡菱花暗白楊雲樹迷魂歸  
金枕出影動玉人嗟滕女悲無已春風問落花

白公堤

詩酒饒奇趣都從山水過雲連五湖浸隄遶百花陂鬣駕  
龍藏雨虹梁虎渡河風流遺勝蹟謳唱溢吳歌

千人石

拳石多人坐千鈞一線牢鞭驅星綴落雲觸水痕高匠巧  
沙成塊機支手自勞我來安四大尺寸不差毫

闔廬墓

無道一身招千年厦屋饒三行天假手一指痛難聊劍已

天恩詩鈔卷四

七

凌波去人猶逞虎鷹專諸何自苦代爾作人臬

永夜

鐘鼓銀河靜樓臺金鑰疎不眠巢翡翠望闕暗蟾蜍葉響  
空庭樹風收未捲書興來能起舞抱枕惜生初

元日客店理舊業

旅緒縈春夢途喧競物華羊懸識舊館鳩獻惠新加名利  
隨時長衣冠與俗差十年磨一劍千里刮纖瑕

羅夢章年友仍返奉川舊寓

四首

游宦三巴客居官長子孫囚要三服念惠藹幾春溫蜀道  
天開險淪關夜閉門萍踪問馬首仍在舊朱邨  
雪竇朱明洞桃源瓊樹春宦游常借寇旅薄為逃秦千里  
歸飛倦七星望裏新錦江春色動驛使嘆迷津

組爲支離解民依孔邇來腰非五斗折雲望七盤哀青鳥  
歸魂近丹山津樹迴征驂驚雁過旅思賦江梅  
桐鄉懷舊德畏壘望來蕙溪水芙蓉漲蘆山霞嶼鋪驂停  
雲外客人看日邊覓譜切連枝契人遐室邇呼

白燕四首

司分玄鳥職白燕比瓊琚影落梁園雪光凝湘水蜍烏衣  
人豈誤紅縷繫猶初獨上昭陽殿驚看色不如  
何處差池羽新來頑頰飛未聞人百歲已見烏孤希秋水  
迎仙珮銀蟾整素衣瑤天閒弄影何日欵柴扉  
名喚雪衣兒空梁句未知月明緱嶺夜鶴唳影娥池柳絮  
沾衣重梨花入夢疑社中人不識每日隔簾窺  
呢喃春事曉形影顧殊禽繫足書多素啣泥色不侵雛看

天恩詩鈔卷四

高

芝樹玉曲奏羽衣音腸斷人何往飄零故國心

鷗鳥二首

閒身誰似我覓伴有輕鷗上下紅潮逐浮沉白羽流樂饑  
沙得食忘倦水爲秋海國從天濶鷹鷂不敢謀  
漫說忘機美機忘未盡忘烟波雖浩蕩朝市等隄防不染  
心如水韜形雪作裳崔公空讀賦那認此行藏

李尊一奉使京師二首

自振孤蓬客棲遲塞草身雁門寒不度馬革老依人雨絕  
窮途嘆雲飛帝里春不詹聞問杳喜報耳邊親  
無字祝加餐寒林行道難千鐘馬乳酒萬里鳳京鞞梅綻  
皇華路花迎竹笠冠勤勞多王事佇看燾登壇

懷陳彥升年友二首

室遠素心勞風生萬里濤玉關人未老金殿記名高絕域  
平安信秋風征戍袍龍荒一翹首猶似在神臯  
何地不滄桑皇恩殊未忘旃裘寒出塞潼酪凍成漿馬上  
琵琶月龍城劍甲霜彎弓射白雁佇看海東翔

柴樓山庄即吾宗舊居 三首

避地樂鎡基孫謀祖德貽柳新徵士宅瓜熟故侯菑夏稻  
農先食秋葭水在湄漁樵樂生事歌笑總相宜  
清白傳家寶衡門厭葳蕤地偏人太古山靜自忘機樹藝  
三秋菊琴書半戶扉爲農甘白首日落未言歸  
野性自忘真愚溪行樂春疇耕先服蚤飯飽食居貧歲曆  
山中草塵塵世外塵雲霞增長嘯不必問遺民

西湖 三首

天恩詩鈔卷四

五

地本幽人勝言尋朝市盟烟籠紗帽雨鳥喚翠環聲竹裏  
僧難謁花間犬數迎未窺山水意動靜總勞生  
十里山如拭湖光日夜浮瓊樓飛彩燕錦浪點輕鷗酒醉  
千家月人消半日愁明朝歌舞地畫舫載虛舟  
月出千峰白雲藏衆壑青鳥啼山習靜龍定夜聞經舞影  
迴歌扇杯光入畫屏塵纓一爲洗能得幾時醒

時同弟以米胖見餉 二首

康食啟民天海陵倉色鮮寶釵蜀浪碎瑤蘂北崑傳玉浸  
無瑕手甘流軟火烟弟昆矜老弱和氣煖丹田  
炊彫留上客脫粟佐情歡野被黃雲覆匙翻白雪寒熨烘  
漿已盡陽暴體知乾多食忘充艱誰云虛受難

不能爲別業計 二首



一任變滄桑東山卧不妨舟浮湖海濶履到杖筇香巢借  
同鳩拙枝棲笑繭藏何心營卜築不爲馬蹄忙  
多少王公第朱扉盡鎖牆漫勞多結巖寄興卽滄浪牕足  
羲皇夢勑深沮溺狂買山何處隱不數午橋庄

招友人二首

山樞歌不遠四簋亦相要書對先賢喜愁堪知己消掃花  
留客徑過雨洗塵瓢不是西園會無勞飛蓋飄  
少有杖頭錢何嘗數擊鮮花嬌當眼媚月淡受人憐借勝  
思良晤因風聽舉鞭高陽情未散盈席盡媼娟

和市隱園詩

景洽濠梁趣情同箕穎居石蹲全我做籟動借天噓鷄犬  
鄰聲近雲霞屋角舒賞心誰得似抽架有閒書

天恩詩鈔卷四

去

山橋晚眺 三首

野水依雲起溪橋帶雨迴藤蘿烟樹合鷄犬夕陽來仄路  
樵夫慣支筇老景催武陵尋出處岐路免生哀  
將身入畫圖竟作午橋呼杖舉閒人步風來物外徒陰晴  
看落日雲樹逐飛鳧倦鳥飛還往蕭然興未孤  
野情山水洽棲影市朝非加意憐飛鳥何心挽落暉烟青  
浮白屋雨暗綻紅菲信步虹梁上詠歌誰與歸

陳孚白冬夜見訪 二首

暮鳥寒依樹孤燈冷浸裘門開風動竹棹鼓雪迴舟雅興  
南樓月清樽北海流故人雙白髮那得許多愁  
高林霜墮葉寒夜客披蓑酒熟三春雨人來千頃波詩仇  
增勁敵歡伯費長哦不寐今宵喜都忘漏刻多

寒雀 三首

蟄蟲皆穴處小鳥噪紛紛霜冷常依日天空不度雲時來  
探城郭欲去想榆枌總樂含生意卑棲念爾羣

凍殺紇千雀唧啾猶向晨被池眠正煖屋角已呼人廈大  
欣來賀城空尚卜鄰人家寒勝我不厭共居貧

三白農夫望同雲為爾哀啄殘收圃粒爭近闔香梅倦借  
低枝暖春隨陽鳥來寒威何太烈喜得歲華催

和史立菴太史題無學上人壁間韻

衣振蓬瀛島題高珠樹林彌天叅道契大海播清音白落  
花皆雨潮生水鼓琴紗籠垂不朽勝屐費追尋

天愚先生詩鈔卷五

七言律

大庾嶺

庾勝提兵南討時，越王臺畔整前麾。  
七閩遙瞰星槎泛，五嶺開先雲雨師。  
險劃瘴天秦日月，地通絕道漢威儀。  
無論輸載南金貨，橫笛吹來香滿颺。

己卯勦撫盤古十八峒三首

負固南荒古峒天，監師捧詔促征鞭。  
山通左擔羊腸徑，路繞層嵒鳥道邊。  
三鼓崐崙專作氣，一聲霹靂銳無前。  
君王不盡提戈意，留取刀頭血半澣。

有征無戰鼓聞驚，誰敢顏行戈倒懸。  
遲爾魂遊湯火命，難容對壘死生憐。  
殊恩一道更新路，携累千聲乞暫延。  
都與

天愚詩鈔卷五

七言律

編氓聯作甲關來，疆土盡王甲。

擒王妙手奪人先，鳳宇曩名五嶺傳。  
効爾尉陀堅負命，豈知庾勝慣樓船。  
沙場夜月悲烽火，井竈荒村淨突烟。  
只爲物生良莠別，恩開面網洗前愆。

鳳宇賊首名

陳貴縣順吾園

鶯喚春風柳色烟，河陽一路看花天。  
歌謳桑下祈蠶市，耕望官司給犢錢。  
夜月不堪鴻雁叫，鳴琴喜有鷓鴣弦。  
看來樂事原多地，總在遊人得我先。

午日觀龍舟

太平此日天中候，風物當年再覩時。  
人戲水龍翻雪浪，酒刊蒲玉薦瑤卮。  
笙歌雜進巴渝舞，屏障誰傳晉魏詞。  
最是游人歡不極，海棠溪上夜忘疲。

次金山

山容出岫露華浮潮去潮來此一舟嶂絕猿哀楓葉下月  
明僧定大江流漁歌雨棹雲叢暮龍起雷鳴天盡秋洗徹  
六王脂粉面朝來爽氣中人幽

皇姑寺姑曾諫英廟北征不聽跌坐以逝

殊損熙朝多士賢皇姑諫草欲回天生時痛哭慚無補化  
去陳言憶見憐檻折何心名姓隱駕旋旌直女師先保明  
嘉錫千年寵賜額順天保明留得青絲映佛蓮

漢武侯宋鄂王信國三忠祠

天定誰人鼓未衰挽河赤手拯男奇鼎分絕祿持璋弱幟  
表精忠憤檜欺莫濟贛州初入衛從容燕市且裁詩死生  
總屬君恩大千載如存同所期

天恩詩鈔卷五

將赴王園阻雨二首

爲借春餘結勝遊乍晴乍雨賞花秋誰將南國佳人淚酒  
作西窻一夜愁林鳥幽啼遲客至高枝低媚減紅稠舉頭  
已覩黃梅熟銀竹森森看未收

不遠爲遊多會心豈期農種恰逢壬城連海霧迷滄島春  
惜花香故久陰苔濕馬蹄羞滑徑粉收蝶翅廢幽尋徘徊  
思奪神工巧百寶欄妝寄舊林

課種園蔬

博奕無能老圃身問花栽竹喜逢春但求無曠西山土甘  
作熙時東海人不顧揮金清夜氣枉窺輟讀結山鄰語來  
碌軸場中話宵厭風輕入耳頻

初秋晚雨

野色烟籠細雨催涼生絳綵一懷開庭吟搖落蟬悲樹砌  
响呀唔蟀卧苔掩鏡月從雲裏過挑燈句自靜中來清陰  
寂寂情何限不與時人意共裁

訊陳素菴

高柳長楊總一天刀鐮折盡杳歸鞭黃花戍老孤飛雁白  
草春尋何地眠今日混同江似酒來朝鞅鞅塞無烟乾坤  
自太吾寧小流坎何非素位傳

上巳 二首

勝事誰人接近遊風光三月下揚州芝田雁去初歸羽綺  
樹鶯來欲覓儔九鳶春農看綠野一番花信動紅愁山陰  
佳興今何在搖落人間春與秋

俗塵欲滌飲東流結勝羣嬉水上遊錦幙飄來風力軟彩  
旌動處浪雲浮亂鶯啼出桐花早甕蟻香分棟葉秋可道  
春光不易擲偏宜此日久淹留

菊下賦得酒卮中有好花枝 二首

桑落蒲城米麴春菊花灞岸一時珍相逢籬下皆知已對  
影清宵即故人為愛杯寬非就酒嗅來香氣已浮唇可知  
不盡酣滑與巧奪天工滿院新  
東籬秋色好懷開不是西風引得來照眼月明瓊圃樹浮  
杯人在息風臺香寒趁煖黃流動氣傲偏柔紫玉醅自是  
尋春春便得不須酬勸酒千回

課僕煮酒

一味生香九和流牀頭春色號鄉柔鵝兒未糝黃先簇鴨  
頂初來綠已浮人在三家均此醉月明千里共銷愁已知

從事青州客身化陶家作巨悭

拜先方伯公墓

二首

業著危疆竹帛垂西川再樹峴山碑騎箕閩闔天門敞乘  
斗文章地極維國報丹衷凌石赤堂封紫塞象伊祁千秋  
世德芬嘗祀羅拜徘徊瞻戀遲

提成岐嶷等毛離上國風光許我馳買駿燕臺千里聚會  
飴郝子寸心知空留梁月瞻靈座一任松風聽牧吹無限  
悲生無限話舉頭倍切紹庭思

拾寶山

三首

紫氣瀾生絕漢隈扶桑倒捲海濤來雲中鷄犬聲容出大  
壑蛟龍風雨迴指顧三山衣帶水中樞兩浙戶門開百蠻  
燾爾徒滋醜自有乘波萬里才

天恩許鈞卷五

四

聖燈一點切星台紺殿黃雲寶色開佛誦梵隨潮氣急鐘  
聲谷應隔江來雲歸野洞浮仙嶠月上諸天拭鏡臺鰲柱  
不因鞭石至秦王那得想蓬萊

海岬孤懸得月臺千峰共入白雲堆雨花禪悟高僧講屐  
市空占海若猜倚檻雪飛千里浪滿山桃綻萬年開關門  
六國來王地不藉玻璃寶闕杯

寄萬履安年友

二首

幾迴撫劍賦長楊遙看思皇上國光故邱春深千里夢書  
城燈火五更長漢家伏臘今何在晉士名標處更香豈謂  
雲林無悅已到來丘壑足相望

邁軸言娛濁酒香數聲漁笛正滄浪黃冠湖海存知己翠  
竹梧桐認故鄉賦就金門聲氣早山高赤堇斗星藏寤歌

不謂真籙與天地先容我輩狂

寒號蟲夏長羽毛自號鳳凰不如我冬毛落盡再呼  
曰得過且過讀其語憶其聲感而賦此

怨尤忘處任徜徉有鳥能娛歲月長物忌著名辭獨往文  
因質在聞彌章羽毛慣不從人假寒煖隨時自我嘗一度  
一年容易過何曾負却好春光

偶出遊見市廛今皆隙地感而志之

虛往虛來半似村千家能得幾家存秋風起處皆衰草暮  
雨歸時失板門擊轂鱗鱗通駟馬涉波渺渺總無豚有人  
即解征鴻怨招集流亡何處屯

先司理誕日

大椿何限舞衣情莫謂知年子職輕在昔尊親終歉報到

天恩詩鈔卷五

五

今喜懼兩何憑弓裘猶是周公宇風木徒增臯子驚暗數  
百齡時有幾蟠桃未進淡先盈

高六平年友見過即詣東籬一晤

剝啄衡門求友聲息牀偃仰爲君迎知名三十齊年士絕  
調千秋郢雪情劍合龍文原作配觥傳鷓杓舊曾盟黃花  
笑我終無賴借客盈樽博自醒

秦復齋刺史見過

楚客狂歌行路難羊裘臺穩釣魚竿慈溪烟水三秋漲滯  
頂天風一夕寒柳色已殘彭澤院桃花只向武陵看中原  
極目蕭疎甚好共河干虜伐檀

西施山

名山豈借美名留兩國興衰一翠樓螺影亂堆雲鬢髻蠶

城自鎖故宮秋石心已轉惟君化尤物能移山不愁堪笑  
白雲腰帶望終朝倚徙嬾回頭

艾仲可陳鴻賓鄭勝持三翁見過留酌

齊眷三壽作朋年猶見耆英洛社賢避世人多閒裏過啣  
杯酒向醒中傳樂聞在昔綏和事愁見城頭烽火烟良會  
即從今夕始不妨真率日相延

賦得楊柳絕春出新意

二首

草木多清競物華東風未許漫咨嗟長條不負青春色寒  
嶺遙飛白雪花折贈有心三疊弄起眠難望十圍誇從教  
滿洩風光早誰認章臺第一家

陽生無物不求新敢怨東君棄舊人向日枝頭看黃鳥初  
年眉色上青春雪凝漢苑封條軟梅傍隋堤冷和親張緒

天恩詩鈔卷五

六

當年空自負豈知回首已成陳

老友陳鴻賓話舊

少年落筆散天葩伏櫪逃名顏闔家送米胡奴慚損惠一  
寒范叔食驚嗟自傷齒暮忘人老對面無言看日斜即共  
西窗教剪燭不堪回首說京華

聽箏聲

銀甲輕彈玉作聲行雲回首八風迎秦關夜弄三更月楚  
女絃調百轉鶯何處響泉流出冷聽來手語不勝情高秋  
無限騷人思嘹亮風清夢亦驚

哭陳來茲

十載交情琪樹林薜蘿庭院覆春陰杯清竹葉人如玉笛  
弄梅花愁似吟雁侶影搖天際月人歸夢斷雪中音少年



共道江湖老却北風吹遂自今

謝江水心餽酒 二首

洞庭春色湧新浮紅友分來啗一白月給太常良可戀香  
聞隔甕趣先流馬軍相對嘗開蓋漁父曾携爲遣愁未有  
金龜堪作換籬東遠睇興偏悠  
春入梨花味自香吳姬壓酒客先嘗步兵厨饌中山醉太  
守輕將大宛量飛鶴觴隨千里至騎驢甕帶九秋霜公榮  
即我隨宜飲逆旅先煩饋五漿

候素菴門年友 二首

長安憶昔附驛驢挿帽宮花在上頭宦迹遙看雲外信綈  
袍時辱故人投去來彭澤開三徑風景新亭寫四愁一望  
中原光宅俊多君首輔佐良謀

廿載魚書何處流雲泥肯便隔林丘塵容卧看三春色湖  
海風高百尺樓秉國要均持軸志避賢初喜酒杯浮君心  
自是明如鏡環玦從來賜未休

雁蕩巖嶺外不見谷中見

雁不來時雲自棲無人知道與天齊藏舟大壑龍蛇穴度  
嶺春嵐風雨低若箇三山天外出問途七聖望皆迷峰峰  
樓閣空中架誰信盤根原是谿

先叔妣張淑人諱日

幼傷失恃負天倫有母歡迎若二親鍼線手中縫自密盤  
匱案上捧來新鳴鳩七子皆堪養烏哺三生未補身老大  
殊悲劉報遠倍思吾母盡傷神

武元甫爲言括蒼山嶺之峻

欲上何堪再陟登說來無地可風乘九盤秀湧蓮城出百丈峰高芝嶺騰袂底囊雲看鳥絕樹梢宿霧得猿憎洞天第一蓬萊小不媿仙都名獨稱

己亥九日二首

蕭疎菊興酒徒清此日高登無限情人倦倦囊花並瘦籬披風雨草誰耕青松寥落埋三徑白雁淒涼到五更荏苒年華誰是健茱萸自笑並時生

登高躑躅少心知何處東籬戴酒宜戲馬臺空人寂莫賓鴻路杳影參差三秋瘦影園林色九醞和香醞醪厄容易醉來拚落帽蒹葭人老費追思

枕上吟二首

醉鄉何處只容眠伏枕風塵日影偏秋色瘦穿花下徑西

天恩詩鈔卷三

八

風夢醒雁聲天茶煎蟹眼旗槍綠香沸猊爐篤耨烟展轉自堪稱避客昨宵浮白意生憐

爲謝門前長者車羲皇結伴卧徐徐北窗蝶夢花枝午西日烏沉烟雨餘百尺樓高湖海氣三秋夢斷廟廊書素琴爲我絃聲靜啼鳥誰教喧自如

賦得霜天月白

瓊宇清虛散寂寥蟾光便欲數秋毫浮霄雲淨天街影介木冰凝海底濤路滑板橋行迹少牕虛茆店曉禽號逃亡偏照誰家屋一夜寒光幾處挑

焙茶

翠芋高名自一家豹囊盛水薦金芽未堪上苑龍團使換作蒼頭奴酪誇澤國春深香味轉火齊湛熾歲時加不隨

寒暑勤披拂那得清風兩腋奢

寄錢殷求年友

紉佩幽蘭祇自芳嬋媛奇服鬪時粧西山志在名堪洗北海樽開醒不妨明發睽懷誰弗念放言洛邑已成狂黃冠顧問優游老亦是衡門小首陽

憶來誰園 二首

王孫零落景誰留幾度臨風憶舊游獨樂興超諸象外來誰命名一身浮蒙莊蟲臂生原假趙孟蠋名視久偷傳舍古今人欲戀其如不繫此虛舟

生死園觀想亦同幾人含笑問春風吳宮草綠麋遊遠秦嶺山青猿嘯空花落午橋猶是夢人追金谷恨何窮大還對鏡無心是况復追維徒擾衷

天恩詩鈔卷五

九

夕照庵 二首

千峰已共落霞回下有菩提小院開樹冷欲呼羣鳥集僧歸剛趁夕陽來雲澹影落彌陀墟佛面光流般若臺何處松風聲晰啞餘輝煖藉古莓苔

海日生殘暝色懸上方鐘磬動諸天寒衣晒樹水仍凍香積流珠突起烟沙上眠鷗魚樂飽庭前過鷺雀爭憐江潮帶梵聲知急幾渡漁人歸暮船

贈周唯一年友

儼然肖貌一縉流身隱言文水石儔禪悟不因蒲坐得名成已在黍離秋溪風灑面凝塵遠竹月流光入夢悠未斷塵心還自想果然前度是比丘

萬峰觀梅次周天妍韻而分用其題意 九首

寒光暝入近樓臺，瘦影仙姝抱玉來。身到羅浮猶似夢，雪消庾嶺更須猜。暗香意與疎鐘遠，靜趣清從殘月迴。濁酒青燈看未已，幽人已許一窗開。

夜梅

雲光繚繞一邨烟，寒氣衝開雪後天。夢裏蝶飛來驛使，曉粧鸞影照宮鈿。先春枝放行人早，和露珠浮並蒂圓。却爲夜來遲，月久亭亭玉立未成眠。

曉梅

水色天光共一秋，花神曾入此中游。弄寒索共羣賢笑，烘日晴分匹練收。風袖雙携香欲送，雲衣剪就景先流。當陽便有難消雪，不與詩人白戰謀。

午梅

風光何處最玲瓏，浸影寒江碧草蒙。塵洗壽陽脂粉氣，照宜逋客淺清中。征帆南浦春傷早，覓句西樓月最工。孤雁一聲悲鐵笛，不愁瘦質轉漂蓬。

江梅

天恩評鈔卷五

十

峇峩繡嶺露華滋，望見征夫腸斷時。春到家園人在路，花迎旌旆雪先吹。條枝鶴振千年羽，古寺僧題百咏詩。高處不勝寒徹骨，東風漫爾解相思。

嶺梅

野雲漠漠靜孤村，箇裏藏春獨掩門。黃犬吠來猶是雪，青山對處總堪樽。溪橋莫放行人過，孤影終憐月色昏。豈謂窮鄉多墜落，枝頭尚有未招魂。

野梅

消息春光誰早揚，檻移百寶闌宮粧。南枝已傍樓頭月，北苑猶疑露底霜。清不人憐腰自瘦，魂非風返靜忘香。簾櫳笑語頻相問，得趣何知在帝鄉。

宮梅

傳舍相逢有遠親，一枝橫出已知春。不嫌寒歲文章舊，難避風塵車馬新。應接面曾邀好句，肥瘠飽不識佳人。縱然東閣饒餘興，何似婆娑天與真。

官梅

春光小院一風輕，貌比盟寒太瘦生。鵲喜蓓蕾春蚤識，人歸零落憶前程。窗虛若伴傾城笑，吟罷時聞恨笛聲。收拾書齋同一夢，誰知宋子賦多情。盆梅

天妍館分賦用曹雲材黃方宜韻

天高何處百花洲，一室芬香滿案頭。體竟蘭芳誰得似，人如菊瘦恰逢秋。三湘淚盡詞難賦，五柳門閒路轉悠。獨戰西風寒不避，詩豪原與酒豪謀。

姜西銘書至

猶憶鱸堂問字年，坐跌隱約映花磚。羽分孤雁哀明月，珮解雙魚盼遠天。秋水篇從雲外至，春山黛自畫中傳。屋梁彌重伊人思，安得臨風袂拍肩。

春雨連宵二首

天恩詩鈔卷五

十一

倦眼空齋燈火親，連宵風雨亦傷春。夢回巫峽三山暗，路斷瀟湘八景湮。柳耳初添鶯語滑，花心雖吐蛭愁貧。一犁自足農夫潤，不厭梧桐滴溜頻。

一刻千金買笑時，烟光如海露華滋。客愁枕畔聲盈耳，鶴夢汀洲倦展眉。寒到被池驚睡足，春沉盃底鳥音遲。藥欄徑濕無人掃，閒看萋苔上幌帷。

寄懷漳浦黃世兄

憶昔登堂拜母時，執經外傳過庭規。風雲接武傳家學，鴻雁嗣音隔水滄。笏在魏公名未朽，衣存稽紹血猶澌。額中犀角能豐後，塊我荒庄矢報遲。

懷文介薛先生

禮樂三千擁上台，春官獨坐履聲來。橫流大海高山仰，欲

暗中天皎日回論德一心官府合爲師百世儒頑裁金甌  
屢覆傳名姓自喜河東綠野開

楓葉

霜落天高水鏡中楓人三變出籬東誤看春色秋江晚笑  
把朝霞夕照供醉酒枝柔醒似睡染脂葉褪淡還紅少年  
佳事都遊遍引得詩懷寫好風

野花香

伏莽青黃共竹迷詩人經眼遂成蹊香因雨送蜂沉翹氣  
欲晴薰燕掠泥寂寞餘芳知我貴韶華肯與歲寒齊可憐  
禾黍披離地剩有王孫伴鳥棲

小春月下二首

收拾春心上花花重瞻皓魄映清華冰壺濯筆神爲水繡

嶺看雲醉作家人在瑤臺增皎玉香生琪樹茁新葩南樓  
不淺庾公興欲借光風問斗樵

天街露洗淨如粧那得人隨笑語香律動歌鐘回煖谷河  
明冰鏡映清霜寒枝鳥宿忘迨夜澄水魚潛徹短梁爲問  
春光能幾住只容顧兔過東牆

聽兒孫輩夜讀二首

太乙分來藜杖光纔經照處送書香擬穿東壁三餘火誰  
聽中宵五漏長洛誦有孫知副墨膽丸識母代饑糧鬼神  
助汝通幽思勤可幾天得莫忘

紙窗荻炬映寒宵笑聽鈞天樂勝韶舞起聞鷄殘夢短鞭  
裁叟駕間途遙烏衣巷裏皆師友螢火燈前見斗杓堅忍  
吾生兩個字好清夜氣助來朝

齋居卽事 二首

和珠調墨一諸生硯水無田舌自耕渴飲春花朝上露  
饗秋菊落初英頭陀有髮蕭然寺清角無絃指上聲妙理  
濁醪日涉趣不知人世有浮名

愁起悠悠非畔空不堪痛飲讀離騷兼葭明月三秋夢  
邁軸衙門百尺蒿鳥爲倦飛收短鬪魚因出聽過輕舸棲遲  
空學黃冠樣坐看橫波與世滔

臨流聞躍

鯢桓豈卽化龍淵尺水波興堪自旋快意不知魚是我聞  
聲便擬手爲絃奮飛四海人皆網局踏中宵月底眠巨壑  
翻身一勺具已窺世異舊時天

寄潮陽洪東木進士

天恩許金宋三

三

相思樹杪鳳棲羣幾度盱衡五嶺雲龍卧終隨尺木上豹  
藏何用隱身文江梅夜度風霜早塞雁秋知南北分一望  
滄浪烟水濶西山東海袂徒勤

蜃氣 二首

海若呈奇不可方未言變態有滄桑霞紅晴映樓臺聳錦  
爛天開日月光波底倒翻人世界漁翁認破幻行藏金堂  
玉柱休驚訝萬慮從教接混茫

仙人自合愛樓居謾爾乘桴海上徐幻比猶龍行絕迹駕  
言甲蜃借吹嘘醉心城市三山見到眼人民兩地虛何物  
世間客久視身名電影已堪如

懷園長王使君

懷人何處露蒹葭五嶺雲深棄我遐兩地并州皆是父共

耒町腫各非家青囊書香山移步綵筆春生語解花莫道  
乘桴奇異事已先賀老服流沙

遙慰陳石公

漫稱忠憤賦懷沙聖世深恩自匿瑕澤畔吟成湘共怨道  
邊弦直葬何家春風不度陽關柳夜月閒聽絕塞笳明信  
可乎無異域好隨北斗泛星槎

清明掃墓二首

嫩金香雪火泉新蝴蝶原頭紙化塵盤馬路開春草碧市  
蠶帽雜午聲頻衣冠揭藏瞻先澤几席重憑啟後身何處  
牛眠徵旺氣從來造物只因人

吹爨簫聲榆柳天賣飴處處絕吹烟忌龍不禁勾萌達堆  
鬣封成罔極年花信幾番寒未已梧捲此日澤還傳悲來

原草遙知濕誰謂清樽罕及泉

虞爾昭携瓜子一顆寫五言律一首背圖十八學士  
像

楮葉三年事已瘡秋毫再見宋人迂車輪若蝨精生巧斤  
運成風熟化拘誰似八言藏芥粒更從數子寫眉鬢若非  
蓮府多嘉客安得新聞資笑娛

鴻賓病愈見過

豈堪伏枕度餘年喜見韶華又一天鏡裏朱顏愁不定囊  
中青母好誰看參商星現窳交態雨雪寒添鶉結前報道  
上林枝可借故人定有鮑生賢

送友人返武林

武林春色萬家烟一望軍容共越天柝擊巖城寒落月弓



彎蹇馬著先鞭樽前鴻雁三秋景雨後征帆萬里船相見  
故人情淡泊會須長樂太平年

竹醉日移竹

寒梢萬丈意凌雲何所歡娛便放醺松徑鋤成根作伴爇  
風拂就氣生芬東家自合西家種醉日何如醒日欣移得  
一枝牆外立有誰清興可同羣

梅蕊

臘月寒梅欲吐英枝頭凍雀已喧聲芳心直逼青春艷素  
態終羞白雪情日煖笑迎牆外影露滋香暗曉風清自憐  
穉質瑤華淺未許詩人著意評

爲潮音洞僧題

一線纔通九有天斧梯路絕羨風鳶雪飛匹練兼山湧響

奏孤桐空谷傳槁木形骸寧自廢望洋心緒向誰宣到來  
別是蓬瀛境豈但移情三弄絃

候時協弟

堅固林中問劫灰菩提還樹鏡還臺陶輪右掌恒沙外寶  
積華光長者來摩詰一身都是病善財叅遍未離孩憑君  
天眼真能見宅火生蓮幾朵開

和陸中秘南樓苦雨之作

猶喜禾頭耳未生渭陽風雨欲傾城農夫慰足三秋望旅  
客心慙片刻晴惜不擎杯流作飲尚能挽客緩歸程清樽  
衆佐怡情處日聽梧桐夜滴聲

賦得秋風動禾黍答南海黃孝廉二首

南國佳人費遠思秋風禾黍實離離傷心矢砥猶周道問

俗華簪有漢儀生計漁樵皆足活逃名農圃亦增疑平疇  
野色遙相望無奈歸鴻未有期

景物情多野色冲傷懷豈爲嘆飄蓬農夫此日三秋望周  
道誰歸二國風落日隴頭催牧唱關河朔氣憶離鴻故園  
不禁增搖落安得乘颺嶺外通

時聚弟家譜告成

申伯功高舊有名風流江左亦虛聲淵源鼎峙高門貴忠  
孝家傳令德賡序次雁行垂統定圖疏燕翼墓門清千秋  
似續編纂在勞爾追維筆削成

賦得邊馬有歸心

期門朱汗騁拳駟紫塞長城折水涯青草雁飛春不度黃  
花鴻斷路無家陰山濤雪知蹄滑晦海同雲顧影遐縱是

跼蹐能萬里何如蹠蹠夕陽斜

命兒視朱壽之器

豫侵子職笑言非外內棺成后木譏歲製及今時已過聖  
周於古亦堪依漆梓虛有黃腸固女手何須銅漚輝安得  
王喬天降玉鳥鳶螻蟻不相違

白樂天以歌謠名入翰苑

賢關未盡十科奇矇誦臚言無禁時抒憤士多工雅調採  
風帝亦好吟詩夢求有意胥靡築扣角何心伯主知漫說  
白詩饒樂句不因好爵敞雙眉

賦得秋風戰馬嘶 二首

騰空朔氣耀軍裝北馬悲嘶霜露涼竹耳雙批風起駿蘭  
筋直豎駕中黃塞笳鳴鏑秋肥草關月驚沙古戰場幾處

寒衣縫不盡倚門懸睇自知傷  
露鬣蕭蕭欲絕塵寒威膠折嚙啼馴風催別袂沙場苦月  
浸征衣夢裏頻千里志高悲伏櫪五花群絕想高旻龍城  
飛將披堅銳幟奪中原旗鼓新

陳孚白強以菊醉吟災梨

論文殊媿國稱工欵啟三家村底翁菊自姓陶休竊取醉  
常在白孰爭雄蒼蠅弔客存知已青眼吾徒嘆轉蓬昌歎  
豈君偏有嗜詹詹何句古人風

梓山遠眺二首

水色山光共蔚藍樂饑期不取林慚江城落日荒秋草海  
市浮雲湧暮嵐練淨千尋波底月危依百尺石中龕新亭  
共有騷人淚景物依然我未堪

岡巒成勢斷猶連檻外山光常欲前鳥夢入雲天豈礙人  
歸遠浦草生烟桑田空有長春樹蓬島誰逢難老仙自昔  
登臨資感慨何須把盞憶餘年

登天封壇和林殿颺太常韻

萬里潮回九曲沙羣龍飛舞一峰加雁疑衡岳愁難度雨  
過祇園盡作花天籟四窗風鼓樂人文列宿氣蒸霞堪嗟  
靈跡垂年久閱盡興亡事態賒

族叔惠海年九十踰嶺渡江日幾百里

何修美意得延年辛苦為生志益堅淡煮黃當十日菜饑  
餐赤米半升餼化龍坡畔堪追杖剗咒江中快著鞭不恃  
行來木上座往還塵絕地行仙

過虞文懿墓

就定邑者為題

兩邑叨光借大賢何如覩炙始興阡詞林五絕芳誰和諫  
草千行字並傳靈繡曰靈仁里美鳳湖名鳳羽儀鮮浸疑  
將作羞爲匠已占無兒房杜前

中秋無月二首

容光正貴一輪秋半面粧成態自羞霜怨笛聲繁夜管雲  
迷樹杪動春愁共看銀漢虹光沒獨對瓊宮蠟影流清興  
增來知幾倍庾公坐待月南樓

秋月爭傳萬里明一方屋角可勝情長橋銀色空垂練澄  
海金波誰並清望鶴臺迷蛾影暗步蟾魄散羽衣聲舉五  
寂寞三人視倚徙寒光到五更

和陳皇士遠耀堂看菊詩次杜於皇施又皇韻二首

欲寄秋風籬外枝吳門匹練雅增思歲寒誰作同盟侶契

合分來送酒詩人面句中堪畢照陽春譜內獨留遲郵筒  
五色花光燦知是淵明爛醉時

處處秋容賞菊新誰將佳興寄同人白雲篇在堪持贈青  
鳥傳來鳴好春雪作錦堆聯麗句霜鋪晚傲剩餘身四時  
猶是籬邊意還許封題到海濱

偶爾失物

掠刺曾聞戲語新即知甌破不須嗔青氍家世原神物白  
日柳榆見鬼燐利螭漁翁初未羨因蕉鹿夢本非眞楚弓  
楚得稱佳話六國縱橫自送秦

寄答唐敏乙年友二首

飛鴻尺素越王城烽火浮沉達海瀛兩地夢懷明月在一  
江春樹暮雲征白蘋愁向秋風老濁酒思同雅弄清相憶

隴頭青色柳未經折贈已多情

白雲持贈擬瑤篇想見剡溪雪夜船雙鯉惠從天上寄孤鴻影自塞邊傳流沙賀老初時服擁篲侯嬴市隱年花下春愁同欲破如君共酒夕陽眠

俞玉芝陳坤庵夜集兼慰旅懷

小院東風遣客愁樽開北海酒蛆浮談心岐路逢知己把臂通宵即勝遊如肉聲調絲與竹得朋人共月登樓天涯豈有難歸棹莫把青春怨白頭

送靈峰杜言上人還山

乍來笑語未春溫又看依依柳斷魂山色半啣青不改衲衣弊盡黑猶存帆隨江月呼潮上酒掛征鞍帶雨渾漫說趙州行腳遍好叅知識是何門

送天童弟附祖墓旁

歲在龍蛇賢哲嗟西風和淚擁寒沙方新螭陸公孫對又到牛眠郭璞家大鳥興悲魂已斷原鴿雙影日歸斜豐碑慈孝名傳久不羨滕公鬱鬱誇

買舊書有感

先生日出嬾求明秉燭何須問夜行好慰十年磨劍意博通五總下帷情極知眼霧焚膏暗無奈心花開卷清况值亂離殘失後牙編到處是書城

和鄭勝持餞菊吟

乍驚別後更無葩蕭瑟西風各水涯聽罷霜鐘良晤淺擬看樹杪夕陽斜白衣人送三秋色青鳥音疎一歲賒不耐驪歌頌再唱感君五彩筆生花

天愚先生詩鈔卷六

七言律

春睡

無憂國卽此華胥不羨人間居與諸啼鳥情多常近枕  
眼花暗謝嬾隨書月沉樹杪嬋娟影巷隔門前長者車最喜  
春和明媚日黑甜酣足雨晴餘

構茅庵

茅舍粗容膝未安一菴新構暫遮寒誅鋤桑者萊汗闢吟  
詠柴門獨寐寬三徑宥因撓徑取萬間總作此間觀江湖  
莫道衡門小丈室維摩四衆壇

興薪桂之嘆

析薪負荷亦云難况值山童一望看木客罷吟谷自響樵

夫尋徑霧先覆已從滅竈分音計更苦焚骸助鼻酸安得  
常如寒食日冷淘飢飽卽成餐

陸中條分祭列代詩人

探微誰解向中玄曠舉風流仰止虔聲入無聲三昧定祭  
因自祭一燈傳江山指數名猶在旗鼓壇開代起賢素酌  
敢云靈盡享是吾師友必登筵

春分移花 二首

現曉晴呼到上林平分景色散清陰芝田雁去陽隨煖綺  
樹鶯來鳥弄音檻植移春春可度藥欄滿徑徑難尋東皇  
謂借栽培力珍重園工一片心

芳草斜川初弄禽風鳶亦上碧山岑輕刀剪就天工錦妙  
手裁勻巧匠心舊日池紅根自老新來枝翠欲成林偷花

學得偷苗法補就繁華遍地金

賦得遲日江山麗

門虛剝啄靜無聲流水高山已結盟人在勝游春不覺景  
饒樂事眼分明桃花雨漲汀蒲綠琪樹風含岫柳菁圖畫  
天開偏此日恣貪盡取有誰爭

岳明府致新書

二首

為憐草木固懷春賜曆衙門及獻辰甲子自書臣誼苦太  
初定等歲差勻文同魚鳳名無異識忌龍蛇兆豈真竟讀  
固能增喜慰不堪回首問知新

抱膝西窗守相寒何情履始問年端陽回莫莢隨風動春  
到梅花共雪看得歲難嗤失歲晚新年移入舊年觀授時  
本為祈民事媿我耕田詘飽餐

元忠詩餘卷六

隔江春色

踏青何事早言歸春在枝頭景色非花落空山人影絕水  
流荒渚鳥音希雙桃畫帶車虛引九鴉催農聲漸微不是  
倦遊佳興嫩家家零落戶無扉

之起臣姪墓所

埋玉山頭春可憐未能十往意空專成來共飲人方少籍  
在疎狂老愈妍琪樹金風秋露冷清泉野火曉林烟傷心  
畏入西州路不覺移筇到北阡

和姜桐侯元宵獨酌詩

行雲如馬暗車轡尚有孤樓獨醒人酺賜難邀高尚客露  
華偏近廣寒身花催羯鼓聲何急酒泛犧尊酌未貧不謂  
倦游甘寂寞子雲到處厭風塵

陳坤菴三度蛟關

詞賦游梁擁上才曳裾肯即賦歸來青山買得人常少赤  
水長流酒滿杯花發舊年門未改劍如新月鏡初開劉郎  
不厭天台路會見冰桃幾度栽

再探慶臣姪恙

五色丹書好自詳春風小院一繩床花枝暗度鞦韆午鳥  
語低呼桃杏香案帙風來書自捲竹梢月上影逾牆藥籠  
報道參苓盡三月何淹庶子方

和倪伯屏年友聞雁之作二首

騷人落筆便驚秋雲外孤聲切應求已道隨陽堪遠使何  
曾委贄入臣流驚回鐵甲長征夢排作銀鈎草聖侔任爾  
胸懷湘水好難禁絕漠舊家謀

天恩詩鈔卷六

三

從風養羽影初移繒繳高飛只自知絕塞春秋來作信中  
途南北到爲期一年占斷烟霞色千里橫披海岱姿不爲  
稻粱還復往扶搖九萬即天池

清明

鶯啼柳蹕喚東風士女郊原春色同遠水漸看搖綠綺芳  
姿色已上青桐贈遺畫鴨千家彩開遍來禽幾樹紅因愛  
韶光遲日麗游人索句問花叢

答時協弟和來韻

學佛何爲又學仙將因來去隔同然拈花笑坐梧桐月煖  
鼎春藏楊柳天蛺蝶夢世情尋未了鹿園密諦傍誰宣放言  
達士無隅意飲食平平萬古鮮

蚤起呼童灌花



穿芳時傍曉雲耕已聽枝頭求友聲喚起欲愁今日事閒  
修未了短籬盟難私雨露園林好不慣兒童愛惜情豈有  
秋風資晚傲任他歲月自為生

乞花種

滿院清陰薦晚涼却慙三徑未誅荒庭閒零落秋風草門  
掩烟蘿曉月霜不慣郭駝神圖藝偏宜楊氏檻移芳太清  
妙有分香手莫使春心自過牆

春盡日

花陰寂寂靜無塵院落微風何處春紫燕盡畫梁忙自語黃  
鶯幽谷懶呼人衣單喜趁寒催盡浴罷還看月跟輪回首  
莫嗟寥落甚賞心無地不如新

二月逢寒食

天恩齋錄卷六

四

陽回百六柳生春風雨街頭冷節新韃影弄移殘夢月簫  
聲愁聽賣飴人家酒灑青桐飯處處烟藏綠草茵車馬  
郊原落日靜數株松栢自相親

清明日連雨抵墓所即大霽

霖雨知時土物滋松門追遠捧盤匪非驚雷迅我思動自  
切霜淒柳色遲子淚難乾添作雨親顏若在霽開曦天憐  
墓草風塵苦灑得青青豁縹眉

聽晚鐘有感

三餘燈火杖分藜纔聽鐘鳴首自低夜氣已看銀漢靜梵  
聲初滴玉壺齊征夫野店愁難度織女隣光影倍淒欲戀  
春眠眠不得聞來金奏即佳題

驚聞張督部入才之舉

清貞自誤伴漁樵漫說黃冠氣可驕邁軸肯嫌天地小河  
干先與臺魂招新恩浩蕩寬求備舊德勤施訂久要厚矣  
無知何處賞徒教彼此意旌搖

初夏

纔送春歸梅已黃園林別樣滿庭芳蔗漿冷和金盤露酪  
粉輕調玉梳霜翅滿蜂脾花事靜巢歸燕乳盡梁忙畝田  
便望西山雨一歲豐登夏孟長

和百花園詩

花無一種百徒誇怪得詩壇題種瓜激羽笙簧愁粉黛如  
雲車馬簇官衙敗人俗物烏紗帽喚客驕嘶白鼻騮金谷  
酒闌羣散後聲聲猶聽噪羣鴉

王鳳山至自京口

天恩詩鈔卷六

五

待月長江娥影遙忽來劍佩候濤椒暮雲擁樹還山早春  
水連天帶雪飄客夢短檠孤鶴唳徑荒籬舍老松招歸鞭  
莫怪行人速手挽良弓不射鵰

賦得雲日長松爲陳鴻賓

嘉樹三天霄漢光根蟠南極飽風霜凝脂日麗蒼鱗動振  
鬣雲垂偃蓋張濤怒海門千尺浪雨來秦觀五株香歲寒  
不受人憐惜彌覺中山授曆長

子夜烹茶和韻

殘簡孤燈理舊盟銀河燦燦夢難成爐飄鴨脚烟初白椀  
泛龍團氣自清掬水光迎月在手臨風襟動露浮莖半宵  
佳課誰拘束細聽波騰三沸聲

寄懷董天鑑年友

二首

寥落天涯知己心暮雲春樹鎖層陰梅梢問月春先到菊  
徑盟松秋已深骨傲晚霜人未老交存淡味水同斟風光  
兩地容相似謾謾呼來爨下琴

即看屋角宇眉臨流水聲中寄好吟攜手清風雙滿袖開  
樽明月各披襟百年蘭誼論文古廿載葭思結契今江鯉  
不知人意切腹書猶自說浮沉

讀張鯤淵遺詩二首

句盡推敲穿袖中江山爲助筆花叢霧雲不蔽睢陽日揭  
霧高呼易水風亮節扶輿留壯氣朗吟簡冊見文雄百川  
學海增來潤慚愧前修地自冲

不數論文頌括工頑廉懦立在其中袞標二字收兼美月  
且千秋見大功肆好國風情性寫長留正氣秉彝同高山  
何在追趨後幸借微言夢寐通

天恩詩鈔卷六

六

送李嗣升之武林

芳草離珂看夕陽知君屬志在魚腸西風老驥途千里北  
塞飛鴻自一鄉夢遶關山天上月身依烟水浪中航西湖  
桃柳迷春徑不是遊人繫馬韁

從慶臣姪寄候姚江邵安之年兄二首

廿載齊年若渴心虛將雪棹想山陰三秋菊徑誰殊調兩  
地松風共一林東海六鰲空有釣西歸雙鯉久無驚已從  
疎節寬中散難道成行不附音

幽人竹裏遂徜徉誰許兒曹車馬狂將命素書希緘伴侍  
言尊執竊輝光加餐字短調饑久如玉思君笑語香爲道  
家公年欲邁一杯一向未能忘

登八面樓有感

海邦何日慶居那且漫登高便作歌二子陳湯功不復三  
神秦漢未遑過星辰近逼諸天出風雨連宵四壁多莫謂  
馬韓烟際邈一帆已到此江沱

答余季蘆年友

誰道漁樵計可安未成松栢那知寒即觀溫室凌霄樹盡  
是當年幽谷蘭肺自生塵心不渴鬢雖如戟滅時難老來  
不作商人頰月下琵琶須罷彈

省時逢弟墓於白鶴山

來謁靈園何處壇鶴鷄原上濕衣單堂西句好人如玉硯  
北懷深氣勝蘭月滿緱山魂影動鶴歸華表夢初殘乍看  
宿草青青長不禁巡阡舉步跚

天恩詩鈔卷六

七

和倪文正題何孝廉荷墅圖卷

太史胸中別有圖烟雲筆底滿江湖花開十丈華峰秀墅  
泛重臺君子徒展卷夢遊千里聚撫琴操響衆山呼輞川  
自是名賢地千載詩人氣共享

題何氏園亭

乞得閒身聽柳鶯隨宜雅淡老松棚泉因竹接符堪調花  
爲枝繁雨過輕啼鳥會心聲故近遊魚忘樂食求爭行人  
未解山翁趣車馬徒勞門外迎

司閩者老聾甚矣子之以代者而不肯辭

七十司閩一老翁蒙茸兩耳衰如充花間喝道誰家使夜  
半敲門總報風將命懶從賓主後妬能獨擅掃除工自來  
門戶牢難破伴食何堪有此公

飲菊酒 二首

佳種南陽事可求，秋容籬畔足消愁。延年美意杯中見，却疾深功醉裏浮。夢到關山來白雁，人逢知己是黃流。不須故作陶家飲，彭澤何嘗與屬秋。

賒飲尋常事，豈新無錢陶。令渴生塵折，腰知爲彈冠。誤乘興，何嫌內顧貧。詩瘦只宜花，共老衰扶惟。有酒相親懷，開此日增霜。傲摘取金英，次第春。

看菊不過主人

花影重重門掩時，園林珠玉露華滋。三春啼鳥無多緒，一日東籬有遠思。瑪瑙盤開光得月，琉璃杯燦彩迎曦。秋容那得明如許，爲問今朝載酒誰。

林氏雙烈 二首

天恩詩鈔卷六

八

蛟珠泣月淚流盈，婺女銀河收黛瑩。鼙鼓千軍馳鐵騎，妝臺雙鬢掩瓊英。桃花人杏銷魂夜，松栢風高連理盟。雨暗江城日色暮，靈依故國步搖輕。試聽軍聲徹夜鳴，即看鸞馭御風輕。胭脂濕處春雲亂，妬雨昏時心月明。碧化魂隨天地老，青留簡並雪霜瑩。雙娥琬琰清相映，孰謂鬚眉偏有情。

步月

中和天氣本宜人，玉宇生涼淨點塵。愁絕楚猿慵問夜，棲幽越鳥怯知春。蒹葭未白容先老，松菊何心徑已勻。短晷不禁催漏轉，清光偏喜近閒身。

松風

鼓吹一部怒濤聲，早不歸來三徑生。飲謝濁流難洗耳，人

來高韻此陶情雪霜無恙春傳信風雨多思晚助清聞響  
何能心便會胸中原具浩然鳴

食蓮子

蓮的珠凝冷露漿雲衣淚滴暗瀟湘滿懷誰識中心苦生  
意難忘到底香蜂老房空紅褪粉蛹成繭化白留霜濺溪  
說盡花堪愛採摘調和子更良

初度口占

二首

兩字君親一擲梭萍逢身世等婆娑鳴珂陞迴堂千尺絕  
粒胸吞烟幾迤冠蓋自標新日月詩書不負舊山河弧桑  
虛抱彎弓志回首西風浮鼻過

勞勞何日是居那酒國書城好放歌借彼天機成雅調無  
妨客至鬪顏醜水桃仙嶠盤匝少高柳衙門霜雪多敢謂

天恩詩鈔卷六

九

不辰生我蹇謝鯤位置故巖阿

同李昭武登招寶山宿僧舍分賦得秋字

大壑層陰瞰碧流鯤鵬扶我碧峰頭松風六月沉江練梵  
誦千言轉客愁竹葉浮蛆呼鑿落花夢蝶幾春秋繩牀  
斜倚濤聲沸白玉蟬膏捧素甌

家居即事

戶外青山屋裏泉買來不用費閒錢馬牛呼作兒孫計魚  
鳥時親几案前百歲憂從蝶翅穩五株門靜雀聲聞薜蘿  
秋氣鳴琴入恍聽微吟出簡編

捉菊虎

偷花蜂蝶自來狂不柰微苗便折秧身似玄駒腰束帶股  
如螢火尾流光生香一徑貪承露食節三秋枉傲霜秋意

倍憐人意苦屏除朝夕肯辭忙

舟行

一葉蘆花帆漿輕鳥聲兩岫隔離明花紅人面因風笑雲  
白山隈照水清客異登仙京邑去興隨訪戴雪深行志和  
烟叟吾徒是好伴浮鷗結素盟

和楊升庵僧鞵菊

清姿芒屨兩相宜歸路天涯未可期賒酒無錢難作伴團  
蒲坐月自堪怡誤衝花陣羞前隊錯認禪宗有別支行腳  
趙州心地穩生來偏愛雪霜欺

東董次公

作客消除客氣難素行何處問居安棋聲白晝茶烟縷書  
卷青燈月色寒嬉笑文章吟未俗好懷山水讓誰看多君  
妙得清狂趣百遍相過不盡歡

文惠許鈔卷六

十

送董長卿之濟寧

騎鶴風高鉅野秋驪歌三唱動春愁黃金結客江湖盡青  
眼迎人意氣投季札有心頻看劍謫仙無酒不登樓塵埃  
莫嘆希知已地近瑯琊好放遊

賤辰值雨邀客多不至

靜裏無求觀我生梧桐夜滴夢三更空堦草綠人行杳客  
路花紅酒氣清戶外南山長作伴樽中北海欲誰傾雨師  
自灑籬邊徑肯負西樓待月情

偕二弟過武時英

棣萼風迴載酒船停鷗携手暮春天梨花香趁青旗暖揚  
柳門斜綠樹烟松子握拳遲玉漏筆椽畫燭剪金蓮從教

一刻千縑價欲買無錢任醉眠

賦得春眠不覺曉

現睨枝頭拂曙流蝶迷曉夢逐莊周十分春色鴛鴦被三月烟花翡翠樓池草半塘青自愛星河餘影白誰留有心早起巡芳徑已對曦光滿面羞

課小豎刈草

掃除一室葛巾低豐草青蟲抱日懷董子窺園三歲別陶家短徑五楊齊即憐金谷誰為主却恨銅駝路已迷老圃自甘耨未輟任從風雨過西溪

謝鄉人送茶

雷筴春風一夜長即非騎火自含香山居草木堪書曆客到荒村代酒嘗封就月圓三百片宜人轟飲五更良心知

天恩齋鈔卷六

士

芹曝誠能獻烹雪何嫌再舉觴

瑞草香魁車馬芝石花春早我先遺生涼名重清人樹除疾功先苦口師不避南山狼虎穴摘來北苑鳳龍姿著書渴美金莖露豈直乘風兩腋宜

紙被

入幕嬋娟好寤歌輕軟玉覆春和香流月影芝生室水逼天光凍不波松鶴窺窗聯素影梅花入夢共烟蘿即將斧藻瑩心潔無媿清芬紙上多

三送陳坤菴

驪歌三唱捧霞杯馬上東風去不回令豈臨邛勤謬敬容嫌安邑久塵埃還鄉伴伴青春少問路知津黃耳來鴻雁未遐飛帛信好將金玉倚雲裁



南浦心傷幾折梅，勞勞亭畔恨成堆。春知積暗銷魂久，衣  
爲頻穿帶線裁。是處青山皆可老，誰能白髮不懷開。嶺雲  
雖隔猶存夢，把袂無言對酒罍。

即席爲張君實賦

何須老大惜年華，座上清樽興自賒。落拓半生浮世事，蕭  
條三徑耐寒花。風光常得人俱在，書劍從教客路奢。鴻雁  
西山飛雪暮，夢魂先已到君家。

有味乎陸中條鮑詩六十年之語

即不耽詩忽忽過，瀟疎白髮欲如何。興因偶到偏成習，筆  
爲情深易入魔。靜可忘年馳逐少，閒隨命意設施多。六朝  
無限興亡事，都在悠揚韻裏哦。

送友人返武林二首

天愚詩鈔卷六

七

即看飛雪滿瑤天，不是尋常載酒船。剛道文蕪能結合，奚  
禁芍藥贈歸筵。白雲自向河梁去，黃鳥傷心折柳邊。分袂  
豈勝談草草，錢江千里一絲牽。

相思幾度問征船，頃刻登程良晤遙。夢遠飛鴻誰繫帛，月  
明野渡聽吹簫。東陵橋望千山雨，南浦魂銷兩浙潮。二十  
年來離別恨，一番提起在今朝。

春霖

雨雪空山鳥自疑，多情春色懶登枝。流蒲綠暗桐華信，園  
杏紅摧榆莢時。神女雲深巫夢杳，湘君淚滿楚江悲。寬懷  
只有耕犁子，蓑笠桑間一望遲。

送高旦中得新字二首

禽尚天涯得遠親，西歸誰是寄音人。風霜漫說朱顏舊，車

馬經年客路新倦翻深林投暮鳥潛淵曳尾戢飛鱗木蘭  
舟上征帆邈豈為看花故避秦

陸離長劍好隨身解贈綈袍寒歲人處處看花如有舊年  
年折柳怕逢春驪歌酒促征途醉魚信音須後寄頻莫待  
屋頭梁月近暮雲斜日望迷津

花歸 十二首

暗想園林紅紫羣豈期遠作樹頭分尋春原約黃鸝後弔  
古虛傷青塚芬譜上徵新猶是我鏡中寫舊邈非君相思  
能得容如許朵朵心花結彩雲

分付蜂簧息鬪爭鳳臺人去解瓊英梅鈿點額妝偏巧粉  
褪宮腰瘦亦情千疊絳綃妃子笑萬般綽約蕓姑矜西宮  
傳說回金輦重整霓裳調玉笙

山花初放忽疑秋桃葉歌殘鸚鵡洲輕別欲商重聚首再  
留恐益許多愁路經未習生生怯親傍初交汎汎流相見  
一回相見老榆枋長得影沉浮

朱殷染就七襄縵片片裝成玉鏡臺啼慣子規添別淚費  
思語燕憐新裁漫憐泥印羅裙濕為憂風生翠幔開佳事  
少年幾閱適如今到處即天台

誰家滿地撒紅纓兢拾兒童笑語生不是琵琶牽別調還  
愁肝胆向人傾千層濤湧湘妃錦百和香流王母瓊即此  
已增茅徑韻何須掃却候逢迎

試問看花眼甚青山香舞就影空庭無端聚散風雲轉寫  
出娉婷月露形滑徑夜深螢倚照虛林繩斷鳥窺鈴迷離  
何處家鄉是不為懷居故暫停

晚涼借我一簾霏四野餘紅鏤夕暉古殿香殘門掩綠翠  
奩妝罷帶橫緋舞遲柳絮淹將伴斜掛梅梢擬信歸話別  
一樽情不淡無言風味自依依

夜來魂夢斷昭陽綻綠稀紅倚晚涼青冥送來霞似錦黃  
昏暗易雨中妝染鬢殘藍蜂嫌重到日芹泥燕語香好景  
一春誰管領憑將收拾在詩章

寄情輪騎爲花停反作寒山夜雨聽無數丹飛燒柳綠纔  
經紅點破苔青軟泥自幸沾恩最空谷留芳憶好銘試問  
春歸何太早前途風雪已冥冥

已拚憔悴放江潭祇樹機玄許面叅違世休教稱市隱入  
山豈怕被林慚晴光乍換烟浮薄醉色偏憐睡半酣造化  
胸中原有主一番刊落現優曇

天恩詩餘卷六

西

披襟寄傲鎖南窗潘縣流英付錦江禁苑早傳鈴密索入  
宮都道服嫌嵬欺人脂粉隨時去本色風霜未肯降聽罷  
曲終雲外想黃花白雪不同腔

莫惜樽前頻進卮東風開徧息相吹萬年只想梁園老連  
理拋同隋苑移委棄自甘供鳥饌寧馨偏不受人縻池塘  
饒有清新句怕對餘菲唱別離

菊醉吟 三十一首

夜光煥若不知秋昨醉今仍豈自求杯到且停人世事花  
開兼爲雨清謀雁聲夢醒歌初沸鶴步僧歸月自流誰是  
當歌辭飲者笑人谷口此良遊

研光隊裏好藏秋不比春華遍地求香抱黃中金有谷味  
單白隨食無謀觥籌人語鷄聲度檀板樽敲月影流不插

滿頭都是傲將無反誚婦人遊

獵獵西窗樹杪秋書城高擁本無求春疇犁足板花雨晚  
園擾深杞菊謀乘興客來舟自棹安絃志逐水東流何須  
主爵頻遲轄自有花神結勝遊

南陽古種正宜秋利濟于人亦妄求百歲爲榮猶昨夢四  
時代謝屈人謀駐顏紅引杯中友醉眼青看第一流不是  
寒花多晚傲經年惟爾殿良遊

百卉徵芳歇早秋亭亭弱幹肯多求晴烘籬外三竿日趣  
與先生五柳謀爽致朝來增勝友看宜晚照助風流不知  
何事餐供美浪把肥腸當日遊

剩得閒身伴素秋好枝不插亦奚求浮雲事業終宵景百  
代經營一日謀人若無情天亦槁花如有約酒同流樽前

天恩詩鈔卷六

五

誰是親知己吾自周旋吾與遊

無限心情收拾秋却因彥會醉中求誰將青史千年節寫  
入黃花三徑謀故國雲深迷失夢家園趣癖枕迎流即今  
偶爾談風月肯把身名擲浪遊

幾處春光幾處秋天工不盡慰人求閒將忙憶愁須解花  
倩人扶氣自謀談屑玄飛驚上座盃吞潮湧笑清流勞生  
自是安排定把筆慙慙記此遊

伊人宛在賦葭秋良夜迢迢秉燭求不辨突烟延客至依  
然籬落舊家謀香隨枝泛觥籌促歌轉啼聲鳥韻流非是  
主人情淡泊會期約處久同遊

風飄簾幌讀書秋蛩語聲聲兩應求閒傍籬東尋往迹欣  
看庭樹得生謀鐘敲橫浦鴻初落觥泛蘭亭水曲流良會

不煩冠履劇解改都作巷衣遊  
青山不改去年秋人貌花容各自求鏡髮白將羞短帽花  
鬚黃盡乏長謀月隨蝶夢三更轉香薦龍團七椀流真覺  
悟言通有道醉時彌勝醒時遊

九醞香聞氣正秋甕邊春色我能求尋芳盡是堽荒偶洗  
爵何煩妻子謀燭向熱腸人獨焰香從風過處偏流明朝  
風雨無時候抬入嫦娥影共遊

一夜西風滿院秋扶枝惜葉向天求獨堪霜飽留餘勁更  
喜朋來與夕謀影對逾三光不夜令申惟五酒如流冠裳  
苛責毋勞問醉倒東籬當卧遊

不盡春光總付秋紅紅白白色相求香趁無相還生相容  
爲花謀併酒謀野氣浮觴迎海曙浩歌吞月帶江流敬亭

天恩詩鈔卷六

六

山色人稱好移入今宵不住遊

風光何似已驚秋萬慮俱消繞徑求懶對名花稱艷客勤  
分秋種得旁謀有情知已開開到無限光陰漫漫流共道  
賞心能醉客主人不醉肯停遊

滿飲澆書興遣秋左螯右拍更奚求憑將數畝誅鋤力薄  
代尊生朝夕謀客徑埽隨松月上籬光射向水雲流最欣  
座少閒知已十載談心一夕遊

閑來無事不如秋好向深籬卜氣求醉月有人尋影伴障  
風無地爲花謀驀忘曾識樽前侶怪認初筵酒末流負氣  
未衰連夕飲肯教空載滿船遊

與世推移幾度秋隨行坎止總相求憑將門內觀籬意博  
作公衙運甕謀有酒肯教花事寂惜陰莫負夜光流閒尋

風月三更伴不爲貪閒付浪遊

不數人間桂子秋  
籬芳英綻我先求  
無情漫道吟詩好  
有酒何須對客謀  
露洗瑤街增月皎  
風翻舞扇帶香流  
尋常著屐登高會  
撇意家園博近遊

在家若客旅爲秋  
對菊沉吟恍有求  
老憶少年真昨事  
貧思發跡有誰謀  
修名千古人在爛  
醉今朝我下流  
一拍一杯何所憾  
蒼天已許占茲遊

未敢情多爲憶秋  
傷心幾度亦空求  
也知時過三春候  
併輟高登九日謀  
寂寞遠籬花朵清  
香拂座酒從流  
未能日富中山飲  
免俗聊爲茗戰遊

讀騷氣欲駕蒼秋  
孤憤於今何處求  
東海久無清伴伴  
西山誰肯餓爲謀  
繞籬若把薇相享  
寒歲應將松比流  
此意

最微拈欲出補鍋人亦入羣遊

盡說蒼天私有秋  
羣葩落竟菊偏求  
青春誰遣東風瘦  
骨欣同西爽謀  
並寵何人空見妙  
分清有月影先流  
遲遲若會天工巧  
留作先生晚節遊

蒲柳爲姿日近秋  
那堪寒瘦菊同求  
短籬傍月無邊景  
對酒迎風得意謀  
幾處滄桑愁我老  
好將肝膽向人流  
悠然會得籬邊意  
埜草開花亦共遊

潭影澄波節爽秋  
光搖五色座中求  
何須籬外尋新種  
只問南陽得舊謀  
院落笙歌雲外合  
杯傳箭漏曉星流  
明朝誰作東風主  
賒酒先歸卜早遊

元龍百尺氣高秋  
不復飄蓬湖海求  
萬里風雲閒自老  
半生醅酹更何謀  
寒花嬾向忙人笑  
涼月欣同煖燁流  
隨意

拈來羞白雪肯從金谷問前遊  
入簾草色看來秋新有漁樵問氣求笑我九秋無別事叢  
成三徑有餘謀白雲封斧柯仍在碧月垂綸餌自流何者  
經營關切我將無萬事等茲遊

楚鶴閑雲同調秋肯將俯仰向人求文章大塊天留訂湖  
海空囊別有謀傲入黃花連飲社調矜白雪壓詞流安知  
半晦安身足何似登臨跋涉遊

傾黃搖蒂火西秋閉戶先生安所求門柳漫勞高自置落  
英餐盡食無謀即看枝上黃金色買斷他年青史流慷慨  
已拚今夕醉不知何地有佳遊

美人何在黍離秋奇服嬋媛不可求招隱淮南篇久絕折  
腰彭澤去先謀青雲坐接烟霄侶白眼睨看利達流不是

天恩詩鈔卷六

六

霜花多此傲偏宜晚照助佳遊

齋期亦醉已兼秋紀勝無能拙自求一韻那堪聯百句淺  
懷寫不盡深謀臨風增想花常艷獨寐言歌酒若流筆底  
籬芳時一吐四時日日博清遊

天恩先生詩鈔卷七

五言排律

立春喜晴

豫動青陽震春迎淑氣催南訛天欲動西陸日初迴旦戒  
龍精會寅生鳳曆裁灰飛調六律管奏識三才晨啟農祥  
正烟銷丹景開土膏疏夙滯風穴拂塵埃剪蝶花枝喜鞭  
牛穀雨來林梢籟黃鳥屋角鬪紅梅旋蓋雕雲麗繩河露  
彩堆為占民事足佳氣滿星臺

人日費百男孝廉集天懷弟齋中分得遊字

占候人為節來朋舊日遊慶逢新得歲歡解去年愁淑氣  
迎青帝梅花笑白頭含章人影麗荆楚歲時修野菜盤知  
嫩春藩勝易流相遺堪問俗對酒莫論籌人自鏤金燦花  
多剪綠浮金昆聯密契玉樹對新抽愧我巴人句無能忝  
鳳樓

陳坤庵久客四明

到處看山好行雲何定鄉千金裘自敝三寸舌猶良裾曳  
侯門短鉞彈容舍長黃金留壯士白雪藻文章蕙草殘秋  
色飛蓬怨別腸鶉羞衣自結鶴瘦首徒昂八景裁新句一  
錢看舊囊方枰堪坐語荷鍾醉流觴馬首丹山擁蛆浮赤  
水香魂銷湖海客髮老灞橋霜屢見緇衣化天涯遊子裳

寄黃太禪相公

黑髮辭榮早絲綸紫極懸秉均元化理去國道揆偏身繫  
安危重名垂史冊鮮戈揮看赤日淚盡湧紅泉止水君恩  
厚首山臣節堅黃冠非備問白日對愁眠孺子曾陪榻戴



安空刺船東籬同此傲北斗望中天潮湧丹山紫雲垂寶  
蓋妍閨風高不極萬里一葦寒

民無卒歲

肉食知何策民歌樂楚萇足寒已失體溝在即爲鄉冬禦  
春誰蓄朝餐夕不糧即茲卒歲計已抱百年傷蛙竈烟空  
碧鳩形菜更黃燈燒灰裏燼臘享饑夫旁入口椒先合出  
門鬼聚旁雲寒鴻影斷雪暗鳥知藏猶有催租吏來加癩  
上瘡

懷章羽侯都諫

冥鴻消弋慕精衛負空誠鍋補身堪老鏡磨光未瑩西山  
薇已盡東海養猶烹眎死歸如急懷安笑此生漢留伏臘  
在周與首山盟一日綱常重千秋節氣爭迴瀾大海濶砥

天恩壽鈔卷七

二

柱半流橫痛戒黃冠說愁看白髮明垂天翼自負運海徒  
難成吹笛關山暗悲茄風雨驚千鈞懸髮繫大地羽毛輕  
沉夢天還醒愚忠氣愈盈浩然雲漢外何處問遐征

何久可茆亭成

杜德雲林迴忘機結構多魚游濠上樂蝸舍草爲窩映月  
疎光透穿風清韻過蓬蒿生長舍葭菼水雲羅塵絕人行  
迹居安繫考歌一亭留古淡四角掛星河織草羅舍室編  
籬元亮阿酒傾杯底月山繞壁間蘿不到高車客閒成短  
句哦草玄啞揚子方丈入維摩拙近棲巢鳥時披避雨蓑  
園林景色異寤寐自婆娑

匪石篇爲沈顯申太史賦

湧急湍難定頑心石已知一鞭驅未速三獻鬻尤啞東海

濱難老北山文可移米顛狂欲拜黃石自言師惟有匹夫  
志永光不忒儀狂瀾迴既倒砥柱鎮深池塊鞠孤誰和中  
流屹立奇玉堂夔武待茆屋鼠憂思謂是羊驅起誰容虎  
伏疑一拳高自置大地徙安支銜自泗濱耻售多燕石欺  
星光五色映未有補天期

爲沈越頂太常題竹山卷

容臺諸樂最山色四明高掃徑迎初月因風漲翠濤坐看  
綠玉燦珍重畫圖勞展卷山堪隱成林勢欲號心虛知茂  
德節直誦堅操林豈七賢聚溪名六逸期歲寒青不改花  
燦紫成袍蔣徑歸何早湘斑淚自切知君看不厭時借綵  
端毫

海屋爲玄鑑上人賦

天憑詩鈔卷七

三

海上仙人室雲中五鳳城浪翻銀混柱日射錦層楹若木  
雕甍豎扶桑拱斗橫添壽人壽考運海架鮑鯨鯢化春潮  
暗蜃樓夜雨生獻珠現龍女泣帕起蛟精鷗鳥閒通信漁  
翁不問名號鐘波底落浦裔席邊聲龍定原歸鉢鼉梁不  
礙行高僧茆作舍野魅夜生驚濤枕波瀾潤梵潮笙磬清  
禪叅拳一指水浸月三更遷劫猶朝夕滄桑何定情

編籬

種竹三竿短編籬一徑成穿林蟾影薄映水激寒輕蔭豈  
臯蘭美遊宣修竹清坐茅風益冷藉柳月方生瑤圃遊何  
在文園渴瘦生冥揆堪物外遠寄近成盟絢索支飄屋藩  
低况落英春知牆外過傲寄隔離情酒送人千里花開月  
五更昏然醉陶謝清醒避簪纓涉世幾辭苦餘工老圃爭

時素時慧弟爲予寫征盤古峒障子賦謝

事業平生少知心二仲多紅顏且馳驟白髮老蹉跎回首  
功名薄標題形跡峨驚心傷往事壯志起沉疴玉詔宣王  
命銅章奮武番山開虓虎穴風定泣鯨波四路天威赫專  
征神力訶霜明千里劍雨霑萬年河勦撫雙機用恩威兩  
地歌長年銷負固五嶺止干戈紀肅秋毫犯勞子冬署那  
鳳樓揮彩筆馬上躡征鞞指顧風雲集輝煌裘帶拖負携  
人遍野獻鼓醜徒羅美蹟追書記凌烟閣已磨圖成肥水  
像懸掛碧山阿

盆梅開放兼句

一枝春色逗小影瘦彌親已見凝霜發還留待月新蜂鬢  
空有翅蝶夢不逢春路隔羅浮杳詩聯官閣賓何當明月

天恩詩鈔卷七

四

夜更有未眠人處士池塘影廣平柔艷珍傾城希一笑卧  
雪得兼句愁聽江城笛難招冰玉身隴頭誰覓寄金谷路  
生塵惟有蟾光近閑看雀闌嗔枝忘南北暖人豈淡濃語  
几案雖供玩蕭疎已避秦

七言排律

借顧翎先司理陳坤菴集梓蔭山閣

西風禾黍一登樓檻外青山大海流釣客六鰲初下餌仙  
人雙鶴未歸丘移雲澗影江心見漱石杯光水底浮投分  
半通千佛籍掄交十載一綈裘歌風漢苑思皇士烹豔周  
京舊國謀入洛彥先才自美誰人驚坐轄堪投振衣試讀  
懷沙句筆底江山何處收

遙和白樂天北窗三友詩謂詩酒琴也

白詩多樂妙名傳樂意無多几案前句滿奚囊肝欲嘔醉  
吟東邑醒誰憐甲庚九老新投契臭味三朋舊譜緣得句  
名山皆勝地棲心軟飽亦逃禪三瓶鴟臆初非酒十弄龍  
吟不在絃忌取文饒終屈相名齊元稹節尤全西湖桃柳  
春隄曉北牖風雲午篆烟雅興尋常曾不淺新詩拈就友  
生篇

遊盤皋山

曲曲灣成斷澗橋忘歸洞口石門遙水深不渡桃源境雲  
影遊空松蓋飄百里地無三里直十家烟絕七家燒巾嵐  
起霧山開瘴柯斧穿雲路有樵屐興三秋紅葉裏雲囊兩  
袖紫霞標漏天未雨凝空翠密樹層陰散沈寥波底影空  
濠上月耳清音奏海門潮千峰共逐斜陽暮山外還疑德

士招

雨後看山

雨後看山樹色宜醉眠芳草綠遲遲層思屐興霞舒帔攬  
秀松峰翠入巖雲到洞門虛雪白淙懸漏穴瀑簾移朱塵  
蹄淨行人路綠野門開巘頂池淇壘在東思太傅移文有  
北愧心知振衣氣壓千巒勢採藥雲深五色芝靈液露濡  
神出漢崖丹霧捲夜生曦悠然更許當窗見天路徘徊一  
與期

昭君曲

好花幾得久留枝圖畫春風別樣眉蓮錦六宮愁粉黛瓊  
腰一捻歛朱顏恩疎並輦長門閉花覆傾城上苑移膏沐  
青銅塵掩鏡妖嬈黃菊瘦成肌覩天質本深宮女問字名

堪可汗儀無術點金回彩筆有心埋玉到燕支身輕一葉  
君王寵師解三軍傲塞疑燕去昭陽簾影靜馬鳴伊列草  
含悲青青塚色看猶昔心緒還應只自知

偶謁客歸登堂聞讀書聲入室聞紡織聲進之間擣

衣聲聆三聲而家室之事舉矣率句為賦

窩回安樂午風輕楊柳門高犬不驚奇樹庭翻芝室譜綺  
窗手出瀑絲聲婦何公事先蠶織子克傳家繡虎名梧鳳  
種看毛五色秋鴻礎擣月三更風來聒耳如相和韻往徐  
思似愜情豈謂絃歌烏巷重敢云針線女紅輕蘭階茁秀  
俱成玉柳絮題詩未足評只此風流原不惡何知院落有  
吹笙

閒居

天恩詩鈔卷七

六

賣藥韓休恰素心著書弘景慰雲林逃名莫撰閒居賦遺  
世空留中散琴年欲遜人白髮在酒無知己黑甜侵鷄憐  
門靜啼方午鶴為松脅影伴陰風落半窗鄰寺葉雨隨疊  
奏隔牆砧詩成得意奚囊錦花看芳年解語襟笑殺僧閒  
塵撲面何須竹長客方臨息機不謂門常閉流水忘歸致  
自沉

南關眺望

只堪仲蔚園常閉那許行吟澤畔遊鐵鎖江沈千尺浪金  
戈陣壓萬山頭哀鴻于野征蹄捷巢鵲求歸燕子樓青草  
原枯空有室黃雲稻裏已無秋關嚴鎖層城壯淚逐新  
亭寫句愁藜藿亂穿鞋穴徑蓬蒿只聽蟀音啾江城影絕  
斜陽樹波浪風吹下瀨舟白晝蕭蕭人欲倦此身不覺與

波浮

雨後過王氏園亭

春園秋後更相宜，銀竹森森映短籬。  
徑滑扶筇嫌蠟淺，爐香隔院帶烟披。  
鷹風入座思黃鵠，蟬露驚秋笑鷓鴣。  
籟與不教盡，自憶鹿門宥說姓。  
爲誰雲翹葉黛凝，霜早月艷花黃映。  
水遲種秫熟成陶，令酒循塘句憶惠。  
連詩帽吹兩鬢星霜髮，菊綻三秋鴻雁時。  
雲葉又連山，揀帶主人應爲倒三瓶。

酬葛全果太史見寄

鏡裏青銅悞我真，相看豈隔水之濱。  
漁樵問業家家實，山水爲生處處鄰。  
久厭承明蓮燭短，好來蔣徑菊餐新。  
襖袍玉署眠清晝，彤管花磚拂翠塵。  
袞補仲山三日命，簪抽梅

天恩詩鈔卷七

七

福九江春滄江釣晚任，公子詩社聲希下。  
里人伏臘未移猶是漢，桃源終古不知秦。  
黃冠雖係無情物，猶勝虛稱草莽臣。

題何漢生齋頭

箕濮從高山，水情白雲芳草共。  
遐征推窗草沒蟾蜍影，忘械心同鷗鷺盟。  
招隱小山辭自費，息陰空谷弋何驚。  
青雲夔滿雙携袖，黃鵠驚高千里程。  
蓮社酒朋來不速，滄江卧晚夢常清。  
隋珠豈彈枝頭雀，卞玉何勞銜市聲。  
仲蔚西秦門晝閉，子陵東越釣竿輕。  
隱鱗戢翼同龍變，肯向西江乞暫生。

中秋後一日偕薛孟麟艾武羅過賓日齋

山陽棲薄美遨遊，顧兔中天圓未收。  
玄覽即超塵外軫，幽

期恰遂故人投香餘玉殿仙人桂契本金蘭釣客流說夢  
焦園常有鹿投林烟葬亦非驚一年幾度當頭月萬古難  
消今夜愁魚鳥自留佳夕景蒹葭空憶故園秋披霞跡近  
南窗傲弔古人多東海求風月不勞批抹定醉鄉隨處便  
封侯

江游送劉山人

芍藥枝頭說可離芙蓉江上解長維客程馬逐秋風蚤劍  
影虹流夜月遲千里抱琴堪曳裾雙瓶傾玉啟愁眉旅魂  
獨夜空山裏驛樹斜陽野渡時誰慣周南從滯客不堪秦  
嶺寄相思青松解贈偏增翠綠柳多情喜折枝睡井官忘  
曾舊好行雲若與故山期客情縱好他鄉月臨別申言慎  
久羈

天惠詩鈔卷七

與友人看劍

湖海相逢意氣雄手提三尺戰西風匣中紫電凝秋水壁  
上玄霜斷曉虹晉鄭戰深頭畢白蛟龍截處水皆紅穆王  
奄有昆吾石歐冶誰來赤水銅磨就十年霜未試技成五  
劍弄皆空氣迴牛斗延津合鳴吼伊吾馬武功見說真人  
形是代不堪佞子激予衷知君騰電雲霄去肯向芙蓉說  
路窮

題孤山林隱君祠

清風湖上一興思高士靈光永不移橡棟百年庭沒草風  
雲千古世爲師趙宗構室招真隱孔雅移文謫故知誰似  
身名雙不朽更能魂魄自相怡梅橫疎影春先度鶴放雲  
林客已遲夜月未隨流水去曉鶯時逐柳花吹過從蘓白

音知密臺到羲皇路豈疑多少青雲歸未容辦香一炷亦  
空辭

閔殉難諸公傳

崩折傷心命壑溝滔滔橫海不安流駑駘莫効艱難步鵠  
印曾封忠孝侯化碧天心原不死納肝臣力竭無謀周圖  
八百堪垂世夷粟千年今並留缺陷代終泉下補匪躬亮  
節素心求國亡肯問家何在身去渾疑心未休水火飴甘  
絕命日子孫氣併歲寒秋山河今古憑誰據藉得丹青名  
姓悠



天愚先生詩鈔卷八

五言絕句

山中

看鶴留仙客，停雲想故人。  
終年無曆日，草木自忘春。

行經靈巖諸處有感 二首

彷彿經行路，蕭條何處村。  
牛羊沉夕影，山鬼自敲門。  
桑麻換青草，何必谷爲陵。  
青草都教盡，遊人足倦登。

雨中寄杜上人 二首

花枝雨後傾倦眼，眠當午爲問蘆中人。  
春光教誰補已寬，路無塵遙遙望一津。  
欲知林下意，試看雨中春。

報春花

草木何知覺，先時爲報春。  
笑開金谷口，愁殺漢宮人。

天愚詩錄卷八

五言絕句

一

贈周唯一年友 二首

有髮亦頭陀，終難脫愛河。  
黃冠誰不戴，多却夢春婆。  
繙經何處臺，筆受寫心裁。  
寫到四恩禮，彌陀省懶開。

將有天台之行不果 二首

腰下響青萍，趨趨胡不庭。  
舉頭三素白，合眼萬山青。  
曇華高不極，天上一星橫。  
已覺攀蘿近，誰寒山水盟。

送彭吉甫渡江 二首

日日看不厭，只覺草草過。  
相見一回老，人生能幾何。  
纔經一葦隔，又道送歸船。  
楊柳何情緒，依依欲贈綿。

杏花 二首

最是清明候，春光帶雨渾。  
杏花隨地有，醉倒酒家門。  
佳人紫玉鞍，錦帶碧琅玕。  
莫向午橋過，春風顏色殘。

池萍

乘風何處宿難與計前程一似春無賴桃花浪逐情

春雨喜晴 四首

即看艷陽天風光楊柳眠梨花寂寞猶帶雨餘烟  
榆莢朝收潤山容入戶來向時落何處銀竹掩高臺  
年逐東風蚤花明萬戶低暗香羅幕動殘雪玉堦迷  
只爲花無影尋春到柳邊紗窗人欲靜皓魄上鞦韆

春閨詞 四首

把筆欲何題雕梁燕落泥雙飛來往處偷眼却頭低  
靚飾紅妝曉閒看白日徂賣花聲自好誰教夢中呼  
梅落已無秋春風獨倚樓何人吹玉笛慘入自心頭  
枕上兩鴛鴦繡成還自愛變作池中飛飛去終有在

天恩詩鈔卷八

二

漁父詞 二首

欸乃發吳音悠然山水心烟波人不見一葉自追尋  
流水桃花漲山前白鷺飛何須富春好得意自忘歸

楊花 二首

春思正無聊春花來亂飄行人揚子渡愁殺望垂條  
無數窗前影虛心似萍梗春風管別離誰教去不省

七言絕句

訊周唯一山居 三首

美厥靈根舌上蓮大華峰頂白雲邊香風化作爐烟裊供  
得頭陀清晝眠  
繡佛長齋不二身桃花片落武陵春晨鐘何事匆匆告受  
裏噌吰未醒人

覺妄徒勞憶夢真山中曆本四時新虎溪何日成三笑松  
菊相看即主人

訪友

西子湖頭二月槎到來剝啄日將斜主人原是孤山鶴長  
定花時不在家

題太白酒樓 二首

江山物化並樓欹人在千秋酒一卮青草不知霜露白盲  
風陌上看離離

才大難堪問酒徒官袍采石貌閑都不知落日黃公肆誰  
倩昭容雙袖扶

紙帳

月滿溪樓春滿天竹牀三足藉龜眠寒光凝素桃花片盟

天恩詩鈔卷八

七言絕句

三

就幽人寤對綠

聽礎聲有感 三首

霜氣淒淒冷織絳征人塞外抱寒衾深閨只想瓜期近門  
倚東風嬾下礎

不堪樽酒對高樓萬戶風清礎杵愁南浦淚傷魂暗別中  
閨力盡月西流

樹杪金風落日斜寒蛩依杵亦思家往聲催得來聲急何  
似君前聽暮笳

憶鷗樂 四首

日沈爲園趣自存春風桃李滿西村主人何在朱扉掩一  
任斜陽獨照門

樂遊原上月平川總爲無心魚鳥連若把蓬廬當一宿春

風何處不堪憐

甲第連雲客舍傳偷閑風月總無邊試看金谷蘭亭美衰  
艸郊原暮紫烟

看竹無人致亦饒水光雲影任飄搖一枝春色紅先透尚  
是山翁舊日要

憶烏劍華

同耕春水硯爲田肥确殊收各有年十畝柘桑歸去好寒  
花晚徑自爭妍

賦贈洪石香

冰甌滌腕露華清拔絮胸中七孔明星斗平吞三百八不  
知南面有書城

祝英臺塚

天恩詩鈔卷八

四

拱木虛傳連理枝標梅迨謂香歸期君生未必因情絕妾  
死依然未嫁時

懷漳浦黃世兄 二首

達德先人世共知徵書孝弟起孤兒九龍江上明珠粲原  
是君家風雨池

北堂萱樹雪中看負米爲勞百里難猶子重增今日淚不  
知君涕幾時乾

看芟壽藏地草 四首

麒麟未卧塚先成草色青青欲締盟借問夜臺印北子自  
從去後若爲生

卜舍無如此地安四時風月好相看誅鋤松下須教力三  
徑儼然盟未寒

生無華屋可追歡  
零落山丘儘自安  
一曲江流明月夜  
笑他珠玉幾時看

人生自苦此無憂  
快活原非一日遊  
安用滕公白石室  
介然成路即孤丘

兩夜偕劉彥聖刺史天懷天申二弟分韻 二首

芙蓉江上素風秋  
共對中原白頭耳  
熱漫題今昔事  
半宵寒雨自生愁

銀竹蕭蕭灑五更深  
杯不夜弟兄情何如  
走馬天街上手板  
循牆待漏聲

郡城旅舍為人所踞 二首

上宮春色不勝秋  
荆棘何緣布道周  
試問落花紅滿地  
還能重綴在枝頭

天愚詩鈔卷八

五

桑下無緣一宿遊  
誰憐舊愛逐新愁  
勞亭上留人處  
斗酒悠然自滿甌

懷章格菴 二首

天河何計挽東流  
一帶長江千古愁  
曆日自忘山上草  
不知食粟是非周

九死須臾無盡愁  
誰人利濟問同舟  
姓名已近吳門卒  
離黍周原何處秋

棊蔭山麓有泉一泓清  
冽可愛宋王荆公刻有懲忿

室慾四字 二首

有冽澄泓曰軌泉  
天根斲破白雲邊  
無人寤到源頭處  
流出新題青簡傳

靈泉若醴映瑤池  
靜洗身心祇自知  
此意早從山水得  
青

苗斷不受人欺

初秋雨 二首

綠陰楊柳謝鳴鸚吸露蟬聲過午啼其雨還驚日杲杲風  
情花信兩相迷

園林何事得如春疎雨梧桐送響新流火螢驚低不度風  
高鷹驚嬾依人

與邵之文話舊通宵 四首

吹氣相看歲月新追思騎竹眼中人渴歡不盡今宵話對  
面遙意思孰真

千秋回首一詞壇白髮相期盟未寒儕輩不知交誼重祇  
將文字共披肝

把袂洪崖喜拍肩相逢終日爲流連六朝漫說興亡事風

天恩詩卷八

六

景依稀隔舊年

容顏誰個後來凋指點江山夢路遙惟有樽中劉白隨時  
時助予壯紅潮

螺頭山徐女墓

萬里紅波一曲灣獨憐青草映雲鬟紙錢無數飄黃葉誰  
向荒墳洒淚斑

送顧翎先返樵李 二首

南浦驚心客路遙白雲芳草送歸船鴛鴦湖畔烟波濶聲  
喚高樓紫玉簫

雲程霄漢奏駪歌馬上春風長薜蘿短燭窗西看劍少一  
船離恨隔江多

壽地傍有回向寺其僧亦雅人也與之語而留贈焉

此理將無不可同死生悟到總成空墓旁多少迷離草一  
度春光幾陣風  
叅破從前彻底灰身依淨土長蓮臺風鈴夜靜郎當語爲  
報蒲團月影來

約陳純甫過飲許而不來

笑口容開有幾今公榮無奈費幽尋落霞倒映春醪色安  
得枝頭寄好音

喬文衣明府招集候濤山秋禊 二首

七月天風海上槎雲乘萬里夕陽斜直濡碧落清秋露洗  
盡胭脂筆底華

安得周昭劍水心麾來三尺拂秋陰寒江落日東流急會

天恩詩鈔卷八

起龍蛇不夜吟

觀畫梅 三首

含毫造化死生間春色三分兩袖閒五月江城花未落看  
來一幅小孤山

兩指呵來筆欲寒誰將黍谷調高彈桃源溪畔春先透鐵  
笛橫吹未見殘

花光三昧得長春幻有拈成總是真萬玉堂前風雨夜冰  
枝清映歲寒人

謝唐豫公

剡溪一曲子猷回題扇新詩雪裏開咫尺烟雲千嶂合故  
人顏色已先來

彭吉甫渡江見訪 二首

五柳門來長者車，局床蝴蝶覺徐徐。秋田稻蟹肥堪食，話到江南意不如。  
庚信江南心事違，不堪烽燧又重輝。愁人莫訴天邊雁，二月春風振羽歸。  
清明見掃墓者漫賦 二首

蝴蝶東風墓草衰，啣泥梁上燕飛來。六朝春色今猶在，何限庾公詞句哀。

野火燒殘陌上烟，墓修成俗自開。元兔狐同穴人先到，猶是豐碑記歲年。

瘴氣

憑空海氣弄晴陰，何處樓臺架水濱。我欲移居成泛宅，長風萬里費追尋。

天恩詩鈔卷八

春草池為對越姪賦 二首

丹霞色抱影娥新，芝草根生玉甌春。寫出一泓流水句，青山有約自家人。

好向新增池上題，東山勝事又重携。夢回秋水連天碧，喜看棠花日未西。

送唐瞿瞿門友返蜀 三首

不信登天蜀道難，峨眉山月夢中看。鶯聲欲喚東風去，落日啣盃肯住鞭。

昆侖連袂此天涯，溪水芙蓉自一家。到日岷江回碧照，愁時荆棘欲開花。

廿年針線客衣單，回首新都日影寒。厭聽杜鵑啼不歇，花溪血淚幾時乾。



初夏二首

鶯聲乍轉弄晴光  
蝴蝶飛飛入夢長  
山色青依當戶好  
笑他終日馬蹄忙

十樹濃陰散晚涼  
一宵燈火半宵長  
園林報道春歸早  
回首東風乳燕忙

懷白雲上人

方外高陽共習池  
臨風玄度幾增思  
千峰山色歸何處  
古寺鐘聲訴別離

賦得相逢俱是歲寒人

二首

只道西山路已迷  
桃源咫尺水成谿  
矜清若爲高名郵  
慚愧黃花風雨凄

歲寒何事慶相逢  
學步邯鄲好畫龍  
丘壑倘留芥蒂在  
江

天恩詩餘卷八

九

湖不減市朝容

塞上曲

二首

折膠弓試雁初肥  
榆塞征人夢未歸  
草色依然原上綠  
深閨新剪帶腰圍

青海無波度雁臣  
龍城白艸不知春  
吳鉤千里看明月  
一片丹心寶色新

重九日陳孚白見過憶及天童弟

二首

搖落秋風作賦才  
君今載酒爲誰來  
蕭條依舊東籬色  
不見參軍落帽回

滿飲茱萸莫滴殘  
青楓江上幾留丹  
相看只有盃中物  
百歲何人說佩蘭

答心水夫子

二首

鏡裏俱看月下霜猶存晚傲一籬黃蒹葭多少伊人興只  
在吾徒清夜商  
蛾眉不負在昭陽團扇秋風意豈忘相見寒溫只數語那  
堪夢到五更長

天恩許鈔卷八

十

壯懷隨在更長

壯懷不負在昭陽團扇秋風意豈忘相見寒溫只數語那

堪夢到五更長



